

七十六
七十七

C40
4514



10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

C40-4514

了翁上座請大藏及有
家書置武川紫雲山
移之。此本元是海王
為學者不敢許出喉內
當山二世鐵機謹註



B 54853

大方廣佛華嚴經疏鈔卷第七十六

千闕國三藏沙門實叉難陀譯

清涼山大華嚴寺沙門澄觀撰述

入法界品第三十九之十七

疏自下大文第二從摩耶下有十一人明會緣入
實相謂會前諸位差別之緣令歸一實法界生於
佛果如摩耶生佛故次明之然人雖十一約法唯
九約會爲十初一爲總餘九爲別故摩耶得智幻
法門末後亦得幻住始終相會詣於中間總別圓
融歸實無二故摩耶既會緣入實何得更須十人

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

豈不向言總別相會非別無以成總故。又顯是所會之緣語十表其無盡無盡之緣皆成摩耶之實德故又此一相義當等覺等覺方能親生佛故等覺却入重玄門中故有十人多明入俗初天主光且須正念無失次可爲世師偏窮衆藝字智之門無依無盡無著清淨清淨則淨智發光發光則智相無盡無盡則誠願不違方能還歸幻住故雖十二不失入實之言始末皆幻方知諸緣體虛卽實鈔大文第二會緣入實相初天主下五總釋諸會而有二意一卽等覺入俗之意一卽是前別明

會緣後歸此實今初下釋文前五中皆牒彼所得初天主光且須正念無失者彼得菩薩解脫名無碍念清淨莊嚴故二可爲世師卽偏友不得法門三偏窮下卽善知衆藝童子得解脫名善知衆藝而廣說字母四無依無盡則賢勝優婆夷得無依處道場又得三昧名爲無盡故五無著清淨卽堅固解脫長者得解脫名無著念清淨莊嚴故六清淨卽淨智發光者卽妙月長者得解脫名淨智光明故七發光則智相無盡者卽無勝軍長者得無相解脫故八無盡則誠願不違者卽最寂靜婆羅

撰述

菩薩頂金剛經卷第十一

門得解脫名誠願語故九方能還歸幻住者卽德生有德幻住法門故故雖下總結。

爾時善財童子一心欲詣摩耶夫人所。卽時獲得觀佛境界智。

疏今初總中文亦具六第一依教趣求中二初將詣觀成後勝緣引導前中三初標將詣觀成次作如是下別明觀念後如是之人下思欲親承。今初摩耶昔云天后天后能生佛故權教中說生佛七日命終生天而晉經指在迦毘羅城則顯常不滅矣。又上云此世界者亦表卽佛境界故得觀佛

境智然說摩耶或云是實非化或云是化非實或云亦化亦實或云非化非實皆帶方便約此宗說卽法界實德人法圓融。鈔今初摩耶昔云天后者新譯爲幻術故云昔也亦云幻生得幻智門故作如是念是善知識遠離世間住無所住超過六處離一切著知無礙道具淨法身以如幻業而現化身以如幻智而觀世間以如幻願而持佛身隨意生身無生滅身無來去身非虛實身不變壞身無起盡身所有諸相皆一相身離二邊身無依處身無窮盡身離諸分別如影現身知如夢身了如像身如淨日身。

撰述

華嚴疏錄卷九十六

三

集

普於十方而化現身。住於三世無變異身。非身心身。猶如虛空所行無礙。超諸世眼。唯是普賢淨目所見。疏二別明觀念中。初總念勝德。已能闇合願智幻門後隨意生下。別念一十七身。唯普眼見冥契下文天后所現。鈔已闇合願智幻門者。以今文云具淨法身。以如幻業而現化身。以如幻智而觀世間等。故冥契下文天后所現下。見正報現無量身雲。今此未見已知現身。故云冥契疏。但總意若別配之。此十七身攝下經中四十種身。身各有二上標下釋。一隨意生身。卽總顯隨願。二無生滅身。卽

下二色身。謂不生色身。無生起故。不滅色身。常寂滅故。三無來去身。卽下二身。謂無去色身。於一切趣無所滅。故無來色身。於諸世間無所出故。四非虛實身。亦攝二身。卽下經云非實色身。得如實故。非虛色身。隨世現故。五不變壞身。卽下不壞色身。法性無壞故。六無起盡身。卽不生色身。隨衆生身。隨衆生業而出現故。恒示現色身。盡衆生界而無盡故。上二句皆標之以性釋之。以相異。上一向無生滅也。七所有諸相。皆一相身。下云一相色身。無相爲相故。八離二邊身。卽是通意。皆事理無滯故。

撰述

華嚴疏錄卷二十六 四

集

若別配者。如下云法性色身。性淨如空故。大悲色身常護衆生故。上句離有邊。下句離空邊。又上句有智不住生死。下句有悲不住涅槃等。尤無依處。身卽下無處色身。恒化衆生不斷絕故。十無窮盡。身卽無盡色身。盡諸衆生生生死際故。十一離諸分別。如影現身。卽下無分別色身。但隨衆生分別起故。又卽如影色身。隨願現生故。十二知如夢身。卽如夢色身。隨心而現故。十三了如像身。卽下普對現色身。以自在而示現故。猶如明鏡質對像生。十四如淨日身。卽清淨色身。同於如如無分別故。

皎日無思故。十五普於十方而現化身。卽下化一切色身。隨衆生心而現前故。十六住於三世無變異身。卽下無動色身。生滅永離故。十七非身心身。卽下總顯其體云。如是身者。非色所有。色相猶如影故。乃至離識。菩薩顯智空無性故。以一切衆生言語斷故。已得成就寂滅身故。今結云。猶如虛空所行無碍。超諸世眼。唯是普賢淨目所見。畧爲此配餘縱不盡。可以類収。

如是之人我今云何而得親近承事供養。與其同住。觀其狀貌聽其音聲。思其語言。受其教誨。

疏三思欲親承可知。

作是念已有主城神名曰寶眼眷屬圍繞於虛空中而現其身種種妙物以爲嚴飾手持無量衆色寶華以散善財

疏一作是念已下勝緣引導中三初城神顯教修心次身衆神密加受法三法堂羅刹教求友之方初中三一以散華。

作如是言善男子應守護心城謂不貪一切生滅境界應莊嚴心城謂專意趣求如來十力應淨治心城

謂畢竟斷除慳嫉諂誑應清涼心城謂思惟一切諸法實性應增長心城謂成辦一切助道之法應嚴飾

心城謂造立諸禪解脫宮殿應照耀心城謂普入一切諸佛道場聽受般若波羅蜜法應增益心城謂普攝一切佛方便道應堅固心城謂恒勤修習普賢行願應防護心城謂常專禦扞惡友魔軍應廓徹心城謂開引一切佛智光明應善補心城謂聽受一切佛所說法。

疏二作如是下正以言教有三十門分三二明十
度行有十二門初施後智各有二句中八各一城
神既爾令護心城是知無有一事一塵非法門矣

撰述

華嚴疏錄卷七十六

左

集

心名城者蓋其中有正覺法王萬德所聚故。應扶助心城謂深信一切佛功德海應廣大心城謂大慈普及一切世間應善覆心城謂集衆善法以覆其上應寬廣心城謂大悲哀愍一切衆生應開心城門謂悉捨所有隨應給施應密護心城謂防諸惡欲不令得入應嚴肅心城謂逐諸惡法不令其住應決定心城謂集一切智助道之法恒無退轉應安立心城謂正念三世一切如來所有境界應瑩徹心城謂明達一切佛正法輪修多羅中所有法門種種緣起應部分心城謂普曉示一切衆生皆令得見薩婆若

道。

疏二應扶下有十一句卽初地淨治地法十種勝行文小不次而數全足上一信次慈三堅固四悲五捨六七皆慚愧謂不容惡故八無疲厭九如說修行十知諸經論十一卽成就世智故能普曉衆生。鈔卽初地淨治地法十種勝行文小不次者。彼次云佛子菩薩如是成就十種淨治地法所謂信悲慈捨無有疲厭知諸經論善解世法慚愧堅固力供養諸佛依教修行釋曰其供養諸佛依教修行卽如說行之一行耳。

應住持心城。謂發一切三世如來諸大願海。應富實心城。謂集一切周徧法界大福德聚。應令心城明了。謂普知衆生根欲等法。應令心城自在。謂普攝一切十方法界。應令心城清淨。謂正念一切諸佛如來。應知心城自性。謂知一切法皆無有性。應知心城如幻。謂以一切智了諸法性。

疏三應住持下有七句。福智圓滿。上二是福。下五是智。前三權智。後二實智。

佛子。菩薩摩訶薩若能如是淨修心城。則能積集一切善法。何以故。蠲除一切諸障難故。所謂見佛障。聞心不用功力。則使得見。乃至究竟必當成佛。

疏三佛子下。結讚徵釋。及成勝益。

爾時有身衆神。名蓮華法德及妙華光明。無量諸神前後圍繞。從道場出住虛空中。於善財前。以妙音聲種種稱歎摩耶夫人。從其耳璫放無量色相光明網。普照無邊諸佛世界。令善財見十方國土一切諸佛。其光明網右繞世間。經一帀已。然後還來入善財頂。乃至徧入身諸毛孔。善財卽得淨光明眼。永離一切

撰述

華嚴疏鑑卷第十一

愚癡闇故得離翳眼。能了一切衆生性故。得離垢眼。能觀一切法性門故。得淨慧眼。能觀一切佛國性故。得毘盧遮那眼。見佛法身故。得普光明眼。見佛平等。不思議身故。得無碍光眼。觀察一切刹海成壞故。得普照眼。見十方佛起大方便轉正法輪故。得普境界眼。見無量佛以自在力調伏衆生故。得普見眼。覩一切刹諸佛出興故。

疏二爾時下身衆神密加授法文三初讚友令欣二從其下放光加被皆可知三善財下獲益所謂十眼不思議身者十身無碍故佛平等者佛佛同故故異於前但明法身餘可準思。

時有守護菩薩法堂羅刹鬼王名曰善眼與其眷屬萬羅刹俱於虛空中以衆妙華散善財上作如是言善男子菩薩成就十法則得親近諸善知識何等爲十所謂其心清淨離諸誑詭大悲平等普攝衆生知諸衆生無有真實趣一切智心不退轉以信解力普入一切諸佛道場得淨慧眼了諸法性大慈平等普覆衆生以智光明廓諸妄境以甘露雨滌生死熱以廣大眼徹鑒諸法心常隨順諸善知識是爲十。

疏三時有下法堂羅刹教求友之方三初教二初

撰述

華嚴疏錄卷第十六

雜

教十法增其智。何等下徵釋。有十一心。一直心。二悲心。三智。四進。五信。六深。七慈。八淨。九益。十巧。十一常。後是爲下結。

復次佛子。菩薩成就十種三昧門。則常現見諸善知識。何等爲十。所謂法空清淨輪三昧。觀察十方海三昧。於一切境界不捨離。不缺減三昧。普見一切佛出興三昧。集一切功德藏三昧。心恒不捨善知識三昧。常見一切善知識生諸佛功德三昧。常不離一切善知識三昧。常供養一切善知識三昧。常於一切善知識所無過失三昧。佛子。菩薩成就此十三昧門。常得

親近諸善知識。又得善知識轉一切佛法輪三昧。得此三昧已。悉知諸佛體性平等。處處值遇諸善知識。疏二。復次下示三昧息其亂三初標。一何等下徵釋。於境不捨離等者。凡夫染境。二乘捨境。權教縱觀空有互陳。並爲缺減。若圓脩者。觸目對境。窮盡法源。不取不捨。故央掘經云。摩訶衍者。所謂彼眼根。於諸如來常了了。分明見具足。無減脩等。又云所謂眼入處於諸如來常明見來入門。其足無減修等。餘可知。三佛子下結。處處遇友者。既定慧雙遊。無境不契。並爲道品。則真友懸通。能如是行。爲

護正法堂也。鈔故央掘經等者。央掘之緣玄中已引。今直釋所引之義。然第二經後世尊令其受三歸依答云。我唯一依佛。即是法法卽僧。故意明一學。至第三卷佛問云。何爲一學。偈云。一切衆生命皆由飲食住。是則聲聞乘。斯非摩訶衍。所謂摩訶衍離食常堅固。云何名爲一。謂一切衆生皆以如來藏畢竟常安住。次二謂名色。三謂二種受。四謂四諦等。然此卽云何名爲五。所謂彼五根。是則聲聞乘。斯非摩訶衍。所謂彼眼根。於諸如來常決定分明見。其足無減修。耳聞鼻嗅舌嘗身觸一同於眼。然有一本。一本云了了分明。一本云決定分明也。次云云何名爲六。所謂六入處。是則聲聞乘。斯非摩訶衍。所謂眼入處。於諸如來常明見。六入門。具足無減修。聞嗅嘗觸皆同眼也。意入處。云所謂意入處。明說如來常不聞違逆心。淨信來入門。義如疏釋。徧歷七覺八正九定十力。皆舉大折小說如來藏。如來常樂我淨爲無缺減也。故疏云餘可知。可知有二。一則例央掘。二例此中餘三昧等說。是語時善財童子仰視空中而答之言。善哉善哉。汝爲哀愍攝受我故。方便教我見善知識。願爲我說。

10 1 2 3 4 5 6 7 8 9

20

30

撰述

華嚴疏錄卷第十六

三

云何往詣善知識所。於何方處城邑聚落求善知識。
羅刹答言。善男子。汝應普禮十方求善知識。正念思
惟一切境界求善知識。勇猛自在徧游十方求善知
識。觀身觀心如夢如影求善知識。

疏二說是下問。二羅刹下答文有四法。一以友無
不在故。二以法爲體故。三身同友徧故。四智與境
合故。如夢如影。又前三離境界相。四則離心緣相。
求善友者幸思此言。

爾時善財受行其教。

疏二爾時善財下見敬諮問三初見三初覩依二

初受行其教。躡前起後。近蹕羅刹之言。遠通前二
勝友以前二神並未有答故。卽由前三位調練故。
得覩斯勝報。

卽時覩見大寶蓮華從地涌出。金剛爲莖。妙寶爲藏。
摩尼爲葉。光明寶王以爲其臺。衆寶色香以爲其鬚。
無數寶網彌覆其上。於其臺上有一樓觀名普納十
方法界藏。奇妙嚴飾。金剛爲地。千柱行列。一切皆以
摩尼寶成。闇浮檀金以爲其壁。衆寶縷絡四面垂下。
階陛欄楯周匝莊嚴。其樓觀中有如意寶蓮華之座。
種種衆寶以爲嚴飾。妙寶欄楯寶衣間列寶帳寶網。

撰述

華嚴疏錄卷之十六

三

以覆其上。衆寶縉幡周帀垂下。微風徐動。光流響發。
 寶華幢中雨衆妙華。寶鈴鐸中出美音聲。寶戶牖間
 垂諸纓絡。摩尼身中流出香水。寶象口中出蓮華網。
 寶師子口吐妙香雲。梵形寶輪出隨樂音。金剛寶鈴
 出諸菩薩大願之音。寶月幢中出佛化形。淨藏寶王
 現三世佛受生次第。日藏摩尼放大光明徧照十方。
 一切佛刹摩尼寶王放一切佛圓滿光明。毘盧遮那
 摩尼寶王興供養雲供養一切諸佛如來如意珠王
 念念示現普賢神變充滿法界須彌寶王出天宮殿
 天諸殊女種種妙音歌讚如來不可思議微妙功德。
 疏後卽時下正明所見於中三初明蓮華所證法
 界自性無染故曰蓮華無明旣開不離心內如從
 地涌亦表性淨萬行之因從法性地而出現故此
 卽十定中普賢之華也。一於其臺下明臺上樓觀
 謂能證權實二智依於所證而重現故智包無外
 云普納十方總攝五位自分勝進故云千柱行列
 其一一事皆有所表恐厭繁文。二其樓觀下明樓
 中寶座卽智體自空故云樓中有座空具性德故
 定云無有邊際。

廣顯莊嚴

鈔普賢之華者此中雖不舉花量十

攝述

華嚴疏錄卷之六

爾時善財見如是座復有無量衆座圍繞摩耶夫人在彼座上於一切衆生前現淨色身。

疏二爾時善財下見友正報於中一先結前標後前但明主座今雙結主伴。

所謂超三界色身已出一切諸有趣故隨心樂色身於一切世間無所著故普周徧色身等於一切衆生數故無等比色身令一切衆生滅倒見故無量種色身隨衆生心種種現故無邊相色身普現種種諸形相故普對現色身以大自在而示現故化一切色身隨其所應而現前故恒示現色身盡衆生界而無盡故無去色身於一切趣無所滅故無來色身於諸世間無所出故不生色身無生起故不滅色身離語言故非實色身得如實故非虛色身隨世現故無動色身生滅永離故不壞色身法性不壞故無相色身言語道斷故一相色身無相爲相故如像色身隨心應現故如幻色身幻智所生故如燄色身但想所持故如影色身隨願現生故如夢色身隨心而現故法界色身性淨如空故大悲色身常護衆生故無碍色身念念周徧法界故無邊色身普淨一切衆生故無量色身超出一切語言故無住色身願度一切世間故

撰述

聖教疏解

古

無處色身。恒化衆生不斷故。無生色身。幻願所成故。無勝色身。超諸世間故。如實色身。定心所現故。不生色身。隨衆生業而出現故。如意珠色身。普滿一切衆生願故。無分別色身。但隨衆生分別起故。離分別色身。一切衆生不能知故。無盡色身。盡諸衆生生處際故。清淨色身。同於如來無分別故。如是身者。非色。所有色相如影像故。非受。世間苦受究竟滅故。非想。但隨衆生想所現故。非行。依如幻業而成就故。離識。菩薩願智空無性故。一切衆生語言斷故。已得成就寂滅身故。爾時善財童子又見摩耶夫人隨諸衆生心之所樂。現超過一切世間色身。所謂或現超過他化自在天女身。乃至超過四大天王天女身。或現超過龍女身。乃至超過人女身。

疏後所謂下別顯身雲於中亦二。先明身相。後顯身業。前中亦二。先明萬類難思身。後明一類超色身前中亦二。先顯別相。後明通體。今初有四十二身。於中或唯約事。如普偏色身。或唯約理。如十二十三。不生不滅身。以本無生起滅。亦不爲滅故。理事交徹。如第三十二三十五。無生不生色身。以事顯理。故於中無生則約自願所成無別有生。不

撰述

生則隨他而現。生卽不生。餘可思準。後如是身者下明其通體謂離有取蘊故。二爾時善財下明一類超勝身約唯女故。

現如是等無量色身。饒益衆生。集一切智助道之法行於平等。檀波羅蜜大悲普覆一切世間。出生如來無量功德。修習增長一切智心。觀察思惟諸法實性。獲深忍海。具衆定門。住於平等三昧境界。得如來定圓滿光明。消竭衆生煩惱巨海。心常正定未嘗動亂。恒轉清淨不退法輪。善能了知一切佛法。恒以智慧觀法實相。見諸如來心無狀足知三世佛出興次第。見佛三昧常現在前。了達如來出現於世。無量無數諸清淨道行於諸佛虛空境界。普攝衆生。各隨其心教化成就。入佛無量清淨法身。成就大願淨諸佛刹。究竟調伏一切衆生心。恒偏入諸佛境界。出生菩薩自在神力。已得法身清淨無染。而恒示現無量色身。摧一切魔力。成大善根力。出生正法力。具足諸佛力。得諸菩薩自在之力。速疾增長一切智力。得佛智光。普照一切悉知無量衆生心。海根性欲解種種差別。其身普偏十方刹海。悉知諸刹成壞之相。以廣大眼見十方海。以周徧智知三世海。身普承事一切佛海。

心恒納受一切法海修習一切如來功德出生一切菩薩智慧常樂觀察一切菩薩從初發心乃至成就所行之道常勤守護一切衆生常樂稱揚諸佛功德願爲一切菩薩之母。

疏二現如是等下明身業中二初總標後行於平等下別顯亦二先明十度行唯精進在於忍前餘皆如次謂初明檀次出生下戒戒能生長故三脩習下進四觀察下忍五具衆下定六恒轉下般若七見諸如來下方便八成就大願下願九心恒偏入下力十得佛智光下智後修習一切如來下明

二嚴行末爲佛母者是其本行故。

爾時善財童子見摩耶夫人現如是等閻浮提微塵數諸方便門既現是已如摩耶夫人所現身數善財亦現作爾許身於一切處摩耶之前恭敬禮拜卽時證得無量無數諸三昧門分別觀察修行證入從三昧起右繞摩耶并其眷屬合掌而立。

疏第二爾時善財下設敬自道已深故現身等彼上二並是住體偏應鈔上二並是住體偏應者然此卽緣起相由門中三義一諸緣各異義二互徧相資義三體用無碍義今言住體卽諸緣各別

撰述

華嚴疏鑑卷第十一

言徧應者。卽互徧相資。卽住體而徧應。是第三體用無碍也。然上摩耶萬類殊應。卽異體中多。今此善財一類之身。徧對摩耶。卽同體中多。若約摩耶善財。並不分而徧同異。雖殊住體徧應義無別也。摩耶亦是同體一卽多。以隨所應義無一體故下。自言非一處住。非多處住。善財亦是同體多卽一。諸處善財卽一身故。又二聖互望。並合同體異體以一摩耶應多善財故。此卽摩耶爲同體。以多善財對摩耶故。卽善財異體。

白言大聖文殊師利菩薩教我發阿耨多羅三藐三菩提心。求善知識。親近供養。我於一一善知識所皆往承事。無空過者。漸來至此願爲我說。菩薩云何學菩薩行而得成就。

疏第三白言大聖下。諮問所以敘文殊等者。若約等覺。則因位極故。若約會緣。從初發心。一一善友。皆是所會之緣。同入此故。

答言佛子。我已成就菩薩大願智。幻解脱門。

疏第三答言佛子下。授已法界分三。初名體大有一義。一願大願爲一切諸佛母故。二智大智亦二義。權智卽能起大願。能成幻事。二實智卽是般若。

撰述

華嚴經卷二十六

生佛真身。幻亦二義。一願智體虛當相名幻。故上文云。幻智卽是菩薩。菩薩卽是幻智。故能無不爲。二者卽智所作生佛之義。謂於已身不壞小而廣容。若於佛身無生起而現起。又願收普賢智。收文殊。皆入大幻。同爲般若。亦名佛母。鈔不壞小而廣容。卽廣狹無礙門。無生起而生起。卽事理無礙門。又願收普賢等者。上約別願。今是通願。無願不収。無智不攝等。願智卽相融。皆是大幻。成不共般若。故生佛也。

是故常爲諸菩薩母。佛子。如我於此闍浮提中迦毘

羅城淨飯王家右脇而生。悉達太子現不思議自在神變。如是乃至盡此世界海所有一切鬼盧遮那。如來皆入我身示現誕生自在神變。又善男子。我於淨飯王宮菩薩將欲下生之時。見菩薩身一一毛孔咸放光明。名一切如來受生功德輪。一一毛孔皆現不可說不可說佛刹微塵數菩薩受生莊嚴。彼諸光明。皆悉普照一切世界。照世界已。來入我頂。乃至一切諸毛孔中。又彼光中普現一切菩薩名號受生神變。官殿眷屬五欲自娛。又見出家往詣道場成等正覺。坐師子座菩薩圍繞諸王供養。爲諸大衆轉正法輪。

撰述

華嚴疏錄卷第十六

又見如來往昔修行菩薩道時。於諸佛所恭敬供養。發菩提心。淨佛國土。念念示現無量化身。充徧十方。一切世界。乃至最後入般涅槃。如是等事。靡不皆見。又善男子。彼妙光明入我身時。我身形量雖不踰本。然其實已超諸世間。所以者何。我身爾時量同虛空。悉能容受十方菩薩受生莊嚴諸宮殿故。

疏一。是故下業用二。初總。一佛子如我下。別於中。有四。初爲現在遮那母。一初標爲利海遮那母。二。又善男子下。別顯生佛之相。文中四。初毛光爲先。相復分爲五。初光入身。一。又彼光中下光現變。二。

又見出家下現人相。四。又見如來下現因果。五。又善男子下令身難思。謂身不大而容十方無盡法界。

爾時菩薩從兜率天將降神時。有十佛刹微塵數諸菩薩。皆與菩薩同願同行。同善根同莊嚴同解脫同智慧諸地諸力法身色身。乃至普賢神通行願。悉皆同等。如是菩薩前後圍繞。又有八萬諸龍王等。一切世主乘其宮殿俱來供養。菩薩爾時以神通力與諸菩薩普現一切兜率天宮。一一宮中悉現十方一切世界。闍浮提內受生影像。方便教化無量衆生。令諸

菩薩離諸懈怠無所執著。又以神力放大光明。普照世間。破諸黑闇。滅諸苦惱。令諸衆生皆識宿世所有業行。永出惡道。又爲救護一切衆生。普現其前。作諸神變現如是等諸奇特事。與眷屬俱來入我身。彼諸菩薩於我腹中游行自在。或以三千大千世界而爲一步。或以不可說不可說佛刹微塵數世界而爲一步。

疏第二正明自在入胎五初爾時菩薩下。眷屬翼從二菩薩爾時下。菩薩現通三。又以神力下。光明息苦四。又爲救護下。現變入胎五。彼諸菩薩下。人已游步。

又念念中十方不可說不可說。一切世界諸如來所。菩薩衆會及四天王天三十三天乃至色界諸梵天王。欲見菩薩處胎神變恭敬供養。聽受正法。皆入我身。雖我腹中悉能容受。如是衆會而身不廣大。亦不迫窄。其諸菩薩各見自處衆會道場清淨嚴飾。

疏三又念念中下腹包衆海。吸吐成文一與發音
善男子。如此四天下闍浮提中菩薩受生。我爲其母。三千大千世界百億四天下闍浮提中悉亦如是。然我此身本來無二。非一處住。非常多處住。何以故。以修

撰述

重慶府金石錄卷二十六

三

菩薩大願智幻莊嚴解脫門故。

疏四善男子下舉此類於百億世界稱一性故體周遍故不如事故。又上句不壞多故下句不壞一故。又上句理如事故下句事如理故又一與多相卽入故此並釋中智幻之義。鈔本來無二稱一性故者疏以躡上卽此多身便云本來無二多皆稱性故若約事說亦可本唯一耳下非一處住非多處住總有四釋第一唯就體上以辨非一處非常多云不如事故者謂理唯一味不如事之多也第二對約不壞性相說上句不壞相下句不壞性亦是不壞一多說此一卽是對別約事之一第二對約事理相如說相如卽無碍之義耳亦是事理相徧第四對唯約於事互相融說卽事事無碍義然具卽入二門通緣起相由法性融通及同體異體言並是釋中智幻之義者以名中云大願智幻上廣引願爲諸佛之母竟故此結中是釋上名中智幻之義也。

善男子如今世尊我爲其母往昔所有無量諸佛悉亦如是而爲其母善男子我昔曾作蓮華池神時有菩薩於蓮華藏忽然化生我卽捧持瞻侍養育一切

世間皆共羈我爲菩薩母。又我昔爲菩提場神時有
菩薩於我懷中忽然化生。世亦號我爲菩薩母。善男
子。有無量最後身菩薩於此世界種種方便示現受
生。我皆爲母善男子。如此世界賢劫之中。過去世時
拘留孫佛。拘那含牟尼佛。迦葉佛。及今世尊釋迦牟
尼佛現受生時。我爲其母。未來世中彌勒菩薩從兜
率天將降神時。放大光明普照法界。示現一切諸菩
薩衆受生。神變乃於人間生大族家。調伏衆生。我於
彼時亦爲其母。如是次第有師子佛法幢佛。善眼佛。
淨華佛。華德佛。提舍佛。弗沙佛。善意佛。金剛佛。離垢
佛。月光佛。持炬佛。名稱佛。金剛楯佛。清淨義佛。紺身
佛。到彼岸佛。寶燄山佛。持炬佛。蓮華德佛。名稱佛。無
量功德佛。最勝燈佛。莊嚴身佛。善威儀佛。慈德佛。無
住佛。大威光佛。無邊音佛。勝怨敵佛。離疑惑佛。清淨
佛。大光佛。淨心佛。雲德佛。莊嚴頂髻佛。樹王佛。寶瓔
佛。海慧佛。妙寶佛。華冠佛。滿願佛。大自在佛。妙德王
佛。最尊勝佛。旃檀雲佛。紺眼佛。勝慧佛。觀察慧佛。熾
盛王佛。堅固慧佛。自在名佛。師子王佛。自在佛。最勝
頂佛。金剛智山佛。妙德藏佛。寶網嚴身佛。善慧佛。自
在天佛。大天王佛。無依德佛。善施佛。燄慧佛。水天佛。

得上味佛。出生無上功德佛仙人侍衛佛。隨世語言
 佛。功德自在幢佛。光幢佛。觀身佛。妙身佛。香燄佛。金
 剛寶嚴佛。喜眼佛。離欲佛。高大身佛。財天佛。無上天
 佛。順寂滅佛。智覺佛。滅貪佛。大燄王佛。寂諸有佛。毘
 舍訖天佛。金剛山佛。智燄德佛。安隱佛。師子出現佛。
 圓滿清淨佛。清淨賢佛。第一義佛。百光明佛。最增上
 佛。深自在佛。大地王佛。莊嚴王佛。解脫佛。妙音佛。外
 勝佛。自在佛。無上醫王佛。功德月佛。無礙光佛。功德
 聚佛。月現佛。日天佛。出諸有佛。勇猛名稱佛。光明門
 佛。娑羅王佛。最勝佛。藥王佛。寶勝佛。金剛慧佛。無能
 勝佛。無能喚蔽佛。衆會王佛。大名稱佛。敏持佛。無量
 光佛。大願光佛。法自在不虛佛。不退地佛。淨天佛。善
 天佛。堅固苦行佛。一切善友佛。解脫音佛。游戲王佛。
 滅邪曲佛。簷齋淨光佛。具衆德佛。最勝月佛。執明炬
 佛。殊妙身佛。不可說佛。最清淨佛。友安衆生佛。無量
 光佛。無畏音佛。水天德佛。不動慧光佛。華勝佛。月燄
 佛。不退慧佛。離愛佛。無著慧佛。集功德蘊佛。滅惡趣
 佛。普散華佛。師子吼佛。第一義佛。無礙見佛。破他軍
 佛。不著相佛。離分別海佛。端嚴海佛。須彌山佛。無著
 智佛。無邊座佛。清淨住佛。隨師行佛。最上施佛。常月

撰述

華嚴疏錄卷十一

佛饒益王佛。不動聚佛。普攝受佛。饒益慧佛。持壽佛。無滅佛。具足名稱佛。大威力佛。種種色相佛。無相慧佛。不動天佛。妙德難思佛。滿月佛。解脫月佛。無上王佛。希有身佛。梵供養佛。不瞬佛。順先古佛。最上業佛。順法智佛。無勝天佛。不思議功德光佛。隨法行佛。無量賢佛。普隨順自在佛。最尊天佛。如是乃至樓至如來在賢劫中。於此三千大千世界當成佛者。悉爲其母。如於此三千大千世界。如是於此世界海十方無量諸世界一切劫中。諸大仙行普賢行願爲化。一切諸衆生者。我自見身悉爲其母。

疏二善男子下爲過去諸佛母。三善男子下爲賢劫千佛母。義通三世。四如於此下。結通橫暨無窮爾時善財童子白摩耶夫人言。大聖得此解脫。經今幾時。答言。善男子。乃往古世過不可思議非最後身菩薩神通道眼所知劫數。爾時有劫名淨光。世界名須彌德。雖有諸山五趣雜居。然其國土衆寶所成。清淨莊嚴無諸穢惡。有千億四天下有一四天下名師子幢。於中有八十億王城。有一王城名自在幢。有轉輪王名大威德。彼王城北有一道場名滿月光明。其道場神名曰慈德。時有菩薩名離垢幢。坐於道場。將

撰述

華嚴疏錄卷十一

成正覺有一惡魔名金色光與其眷屬無量衆俱至
菩薩所。彼大威德轉輪聖王已得菩薩神通自在化
作兵衆。其數倍多圍繞道場諸魔惶怖悉自奔散故
彼菩薩得成阿耨多羅三藐三菩提時道場神見是
事已歡喜無量便於彼王而生子想頂禮佛足作是
願言此轉輪王在在生處乃至成佛願我常得與其
爲母作是願已於此道場復曾供養十那由他佛善
男子於汝意云何。彼道場神豈異人乎我身是也轉
輪王者今世尊毘盧遮那是我從於彼發願已來此
佛世尊於十方刹一切諸趣處處受生種諸善根修
菩薩行教化成就一切衆生乃至示現住最後身念
念普於一切世界示現菩薩受生神變常爲我子我
常爲母善男子過去現在十方世界無量諸佛將成
佛時皆於齋中放大光明來照我身及我所住宮殿
屋宅彼最後生我悉爲母。

疏三爾時善財下辨法眼根源二初問二答言下。

答文中六初輪王久遠非後身菩薩所知者顯唯
佛知非但久遠亦顯時無時相佛智契故二彼王
城下有佛魔來三彼大威德下聖帝助降表智王
助體本覺現故此時已得菩薩神通明今始成非

撰述

華嚴疏錄卷十一

實始也。四時道場下。場神興願。智假慈興。故神於王生。如一子想。五善男子下。結會古今。六我從於彼下。爲母普周。前來爲佛生時之母。即是願母。此明爲佛成道時母。即是智母。齋中放光者。生長同氣之所。表佛佛皆從無二理生故。

善男子。我唯知此菩薩大願智幻解脫門。如諸菩薩摩訶薩。具大悲藏。教化衆生。常無厭足。以自在力。一毛孔示現無量諸佛神變。我今云何能知能說。彼功德行。善男子。於此世界二十三天有王名正念。其王有女名天主光。汝請彼問菩薩云何學菩薩行。脩菩薩道。時善財童子敬受其教。頭面作禮。繞無數帀戀慕瞻仰。却行而退。

疏後三段可知。

遂往天宮見彼天女。禮足圍繞。合掌前住。白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者善能誘誨。願爲我說。

疏第二。遂往天宮下十友。別明會緣。然位德已極。託迹凡流。深悲接生。不標神異。但以法利人。又顯求者道深。或但示法門之名。則懸領旨趣。第一天

主光卽幻智念力。善友言天主光者。謂悲智勝用。光淨自在。破闇義故。父名正念者。此由定發故。故法門名無礙清淨念。初一句卽依教趣求。第二見彼下。見敬諮問。鈔大主光女父名正念者。卽第三會問梵行之王也。又云往三十三天者。是摩耶捨化所生天也。則知摩耶非獨在天。故晉經云在迦毘羅城。

天女答言。善男子。我得菩薩解脫。名無礙念清淨莊嚴。善男子。我以此解脫力。憶念過去有最勝劫名青蓮華。我於彼劫中供養恒河沙數諸佛如來。彼諸如來從初出家。我皆瞻奉。守護供養。造僧伽藍。營辦什物。又彼諸佛從爲菩薩住母胎時。誕生之時。行七步時。大師子吼時。住童子位在宮中時。向菩提樹成正覺時。轉正法輪。現佛神變。教化調伏衆生之時。如是一切諸所作事。從初發心。乃至法盡。我皆明憶。無有遺餘。常現在前。念持不忘。又憶過去劫名善地。我於彼供養十恒河沙數諸佛如來。又過去劫名爲妙德。我於彼供養一佛世界微塵數諸佛如來。又劫名無所得。我於彼供養八十四億百千那由他諸佛如來。又劫名善光。我於彼供養闍浮提微塵數諸佛如來。

又劫名無量光。我於彼供養二十恒河沙數諸佛如來。又劫名最勝德。我於彼供養一恒河沙數諸佛如來。又劫名善悲。我於彼供養八十恒河沙數諸佛如來。又劫名勝游。我於彼供養六十恒河沙數諸佛如來。又劫名妙月。我於彼供養七十恒河沙數諸佛如來。善男子。如是憶念恒河沙劫。我常不捨諸佛如來。應正等覺。從彼一切諸如來所聞此無礙念清淨莊嚴菩薩解脫受持修行恒不忘失。如是先劫所有如來從初菩薩乃至法盡一切所作。我以淨嚴解脫之力。皆隨憶念明了現前持而順行。曾無懈廢。

疏第三天女答下示已法門。於中二先標名。謂以一念無碍智。普觀三世無不明現而無去來。今爲無碍念不雜異念。爲清淨念。念佛功德有益悲智。故曰莊嚴。後善男子下明業用。於中三。一念最初一劫。二又憶下中間諸劫。三善男子如是憶下。總結多劫。非唯憶念。亦於彼多劫多佛聞持此門。善男子。我唯知此無礙念清淨解脫。如諸菩薩摩訶薩出生死。夜朗然明徹。永離癡冥。未嘗惛寐。心無諸蓋。身行輕安。於諸法性清淨覺了。成就十力。開悟羣生。而我云何能知能說彼功德行。善男子。迦毘羅城

有童子師名曰徧友汝詣彼問菩薩云何學菩薩行修菩薩道時善財童子以聞法故歡喜踊躍不思議善根自然增廣頂禮其足繞無數帀辭退而去。

疏後三段並可知下諸善友六段之文多有不具皆可思準。

從天宮下漸向彼城至徧友所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說徧友答言善男子此有童子名善知衆藝學菩薩字智汝可問之當爲汝說

疏第二童子師徧友幻智師範善知識謂爲童蒙師徧與衆生爲善友故居迦毘羅黃色城者中道執物故不得法者畧有四義一與衆藝法門同故二法有所付顯流通故三表一切法門體無二故四表無所得方爲得故鈔第二徧友可知

爾時善財卽至其所頭頂禮敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

疏第三善知衆藝幻智字母善知識中初二可知

撰述

聖解疏卷十一

時彼童子告善財言。善男子。我得菩薩解脫。名善知衆藝。

疏第三時彼童子下授已法門中二初標名體謂以無碍智窮世間之伎藝故。

我恒唱持此之字母

疏二我恒下顯其業用字母爲衆藝之勝。書說之本。故偏明之。有標列結列有四十二門。鈔二我恒下顯其業用者文有三。一標章正意。言字母爲衆藝之勝者出偏示所以也。標知衆藝而偏釋故。故智論云諸陀羅尼皆從分別語生。四十二字是

一切字根本。因字有語。因語有名。因名有義。菩薩若聞其字乃至能了其義。是字初阿後茶中有四十得是字陀羅尼多所成益。乃至廣說。又如本行集云爾時菩薩爲諸童子一一分別字之本末。乃至訓化三萬二千童子勸發無上真正道意。是知字爲衆藝之本。故十地中以喻十地爲諸法本。疏皆言般若波羅蜜門者從字入於無相智。故字義爲門。故毘盧遮那經中皆言不可得智無所得。卽般若故。又文殊五字經云受持此陀羅尼。卽入一切法平等速得成就摩訶般若。纔誦一遍如持

釋迦

華嚴疏金卷十一

三

一切八萬四千修多羅藏。然初五字若準阿目伎三藏卽全是文殊真言。若準今本而第二二字不同。今依彼經釋之。鈔皆言般若下三釋文先釋總標於中三一暗引毘盧遮那經。彼有偈云甚深相無相。劣慧所不堪爲化是等故兼存有無說。釋曰因字是有無相智是無故念誦瑜伽之者先觀字相後入字義也。阿字相觀云八葉白蓮一時開炳現阿字素光色斯卽字相也。而智表菩提心悟本不生圓滿具足猶如月輪卽是字義相有義無故云兼也是以今經唱阿字時卽是相也。入般若波羅蜜門卽是無相智也。智論云此字是實相門則顯三種般若不相捨離。字卽名字般若。入般若波羅蜜門卽觀照般若悟不生等卽實相般若也。故毘盧下第二明引遮那。又上義證今卽文證不可得言卽般若相故般若中廣說無得爲般若故又文殊下第三引五字證爲般若門然初五字下第二釋別列中合爲四十二段。今疏有三初別釋五字約五字陀羅尼經而引不空會通字音然古諸德於此經中不多解釋靜法有章名爲漩渦六門分別一釋名二體性三建立四釋相五利益六

撰述

華嚴疏卷第十六

問答。而其釋相亦廣引諸經而不全具。又諸經字音參雜。以梵音輕重。三藏解釋不看下義。但取字同。故多乖舛。如涅槃以阿字爲惡。此中以囉字爲多。此等不以義定。故多譌謬。今亦別有一章。總引十經一論。一興善譯華嚴四十二字門。二大般若第四百九十三引大品般若第八。四放光般若第六。五光讚般若第十六。普耀經第三。七興善三藏別譯文殊問般若字母。八別譯金剛頂瑜伽字母。九涅槃第八十卽今經言一論者。卽智度論。其五字經唯釋初之五字。一一具引對會異同。今疏但

用大般若及興善別譯四十二字。以二本多同。初之五字用五字經。餘文全要。鈔更引證。餘在別章。然上十經前五釋四十二字母。次四卽釋五十二字母。次第不同。義則多同。五字經中唯釋五字。大品放光光讚。但大般若廣畧之異。字義相同。智論釋大品義亦同也。故疏但用二經。具釋三十七字故。

唱阿字時入般若波羅蜜門。名以菩薩威力入無差別境界。

疏一阿者是無生義。以無生之理。統該萬法。故經

1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

撰述

聖嚴疏錄卷之二

云無差別境。而菩薩得此無生。則能達諸法空。斷一切障。故云威力。鈔今按定用五字疏文分二。先別釋五字。後收攝圓融。今初五字。鈔却廣引。五字分爲五段。文皆有三。牒本經字母。一以彼經義釋之。三會今經之意。今初阿者。卽第一牒經字母。卽今經云唱阿字時。今但畧取所牒之字。下四十一字釋義皆然。二是無生義。卽五字經釋義。三以無生之理。下會釋今經意。云諸法皆悉無生。故無差別。故上經云。一切法無生。一切法無滅。若能如是解。斯人見如來。而大般若金剛頂全同上釋。

大品云。阿字門。一切法初不生。故智論釋云。若菩薩一切語法中聞阿字時。卽時隨義。所謂一切法從初來不生相。阿提秦言初。阿耨波陀秦言不生故。釋曰。論文二節。一隨經釋義。二阿提秦言初。下會釋方言。下四十一字皆然。見此論文。則知四十二字皆是所依之相。從此入於無得般若。故名爲般若之門。放光云。阿者。謂諸法來入不見有起。光讚云。阿者因緣之門。一切法已過去者亦無所起。釋曰。上二經起卽生義。因緣之門從緣生也。文殊問經云。阿者是無常聲。普曜云。然此言云無者。是

支那

華嚴疏少卷之二十六

七

七

撰述

宣無常苦空無我之音。上二經似同小乘之無。若取無彼常等卽與無生義同。此初阿字上聲短呼。故譯涅槃惡字當初雖呼小異。義亦同也。故云惡者不破壞故不破壞者。名曰三寶喻如金剛。亦同無生義。

唱多字時入般若波羅蜜門。名無邊差別門。

疏二多者。彼經第二當囉字。是清淨無染離塵垢義。今云多者。毘盧遮那經釋多云如如解脫。金剛頂云如如不可得。故謂如卽無邊差別。故如不可得。此順多字義應是譯人之誤。囉多二字字形相

近聲相濫故。若順無塵垢釋。以無邊之門方淨塵垢。鉢二多者。此廣牒經也。彼經第二下疏釋有五一依五字釋。二今云多下。按今多釋。三如卽無邊差別者會經也。四應是譯人下會釋偏正言字形相近者。今示二梵之形。凡多字入囉字。此二小近聲相濫者同疊韻故。五若順無塵下。正以囉字會釋經文。以諸經字義第二多同。故大品云。囉字悟一切法離塵垢故。放光云。二囉者垢貌。於諸法無有塵。光讚云。是囉之門。法離塵垢。金剛頂云。囉者一切法離故。涅槃云。囉者能壞貪瞋痴說。真實

撰述

華嚴疏金卷七十六

法亦壞塵垢義。智論云。若聞囉字。卽隨義知。一切法離垢相。以囉闍秦言垢故。以上諸經皆第二囉字同離垢義。故無惑矣。

唱波字時。入般若波羅蜜門。名普照法界。疏三波者。五字經云。亦無第一義。諦諸法平等。謂真俗雙亾。是真法界。諸法皆等。卽是普照。鈔三波者別譯及餘經論多是跋字。今依五字跋字釋義。大般若言跋者。一切法勝義教。大品云跋者第一義故。放光云跋者。諸法泥洹最第一義。文殊問經云出勝義聲。釋曰。上諸經皆獨明第一義。但是

所遣。唯金剛頂云跋者第一義不可得。則具般若相矣。故疏云。謂真俗雙亾下。會經前二字。以第一義遣俗。今亦無第一義。則復遣真爲雙亾。真俗。是真法界。上卽所照。從諸法皆等下。舍普照義。智論云。若聞跋字。卽知一切法入第一義。以波囉末陀秦言第一義。故釋曰。此亦但入第一義耳。

唱者字時。入般若波羅蜜門。名普輪斷差別。

疏四者者。諸法無有諸行。謂諸行既空。故徧推差別。鈔四者興善譯爲左字。義則全同五字經也。文中先釋義。後諸行既空下。會經大般若云。入者

字門悟一切法遠離生滅。若生若滅皆無所得。釋曰。諸行卽生滅體也。然諸經多明生滅之行。大品涅槃義當遮字。俱明出世之行。大品云。遮字修不可得。涅槃云。遮者卽是修義。調伏一切諸衆生故。然出世行亦不可得。方爲般若之門耳。智論云。若聞遮字。卽時知一切法諸行皆悉非行。以遮利夜秦言行故。

唱那字時入般若波羅蜜門。名得無依無上。

疏五那者。諸法無有性相。言說文字皆不可得。謂性相雙亾。故無所依能所詮亾。是謂無上。鈔五

那者別譯爲曩字。義全同。文中先依五字釋義。後謂性相雙亾下。會釋經文。諸經多是那字。大般若云。聞那字門入一切法遠離名相。若名若相皆以無所得而爲方便故。大品云。那字門諸法離名性相不同不失故。放光云。那者謂於諸法字本性亦不得亦不失。光讚云。是那之門。一切諸法離諸名字。計其本淨而不可得。普曜云。其言不者。出不隨衆生離名色之音故。文殊問云。曩字是徧知名色之聲。金剛頂亦云。名色亦不可得。上三經皆云。色名。名卽名字。總取二字爲生滅自性。涅槃云。那者。

撰述

聖解疏卷第一

馬

三寶安住。無有傾動。喻如門闈。釋曰。眞實三寶。永離名相。智論云。若聞那字。卽知一切法不得不失。不來不去。以那素秦言不故。

疏又云。以那字無性相故者。字無有諸行者。字無有諸行故。跋字無第一義。跋字無第一義故。嚩字無塵垢義。以嚩字無塵垢義故。阿字法本不生。鈔又云。以那字下。第二收攝圓融。於中有四。一從後倒收。謂由第五雙無性相。何有第四諸行。諸行卽相故。有相則有第三第一義諦。旣無有行。何有第一義諦。由第一義空。故有第二本來清淨。旣無

第三何有第二。由第二本淨故方說不生。旣無第

二何有不生。

疏阿字法本不生。故那字無有性相。鈔阿字法本不生故。那字無有性相者。旋轉互收。以初阿字生第五那字。則周匝如環。謂不生之中有何性相。故令五字互相生起。旋轉無碍。

疏汝知是要。當觀是心。本來清淨。無染無著。離我我所分別之相。鈔汝知是要下。結成觀行。悟本清淨。成三空觀。云離我我所。所卽法故。上三段皆五字經文。

撰述

聖賢疏錄卷之二

疏遮那經中字義與此無殊。下多依彼經。及阿目
佞性所譯而梵音輕重有殊。釋義無別。鈔遮那經
下會釋二文。亦是結前生後。結前五字。生後餘三
十七字。多依彼經。卽毘盧遮那經。及阿目佞性所譯
卽別譯華嚴四十二字門。此別譯義既與大般若
同。則是依大般若。而有一二三字音小異。故不言依
耳。然阿目佞性別譯。皆先牒經般若之名。而別名爲
先後方釋義。次下當見。

唱遷字時入般若波羅蜜門。名離依止無垢。

疏六遷字。悟一切法離世間故愛支因緣永不現

故離世故無依愛不現故無垢。鈔六遷字。彼爲
擺字。云稱擺字時入無垢般若波羅蜜。悟一切法
出世間故愛支因緣永不現故。釋曰。今疏但引釋
義。更不引經。彼與今經全同。但此別名在下。彼別
名在上耳。然準五字及彼譯四十二字初十二字。
唯第五有不可得言。餘十一字卽以不生清淨亦
無無有等爲般若相。餘三十字皆有不可得言。不
可得言卽般若相。其不生等亦般若相。故有不生
更不要於不可得言。若諸字中無不可得及不生
等。則但是所依之法。如前遮字。無有諸行。若無無

撰述

華嚴疏錄卷二十六

有。但言於遮。遮卽行故。但是所依。如色卽是空。是般若相。若但云色。但是所空耳。諸字例然。亦如下第十五迦字。云作者不可得。若無可得。但是作者耳。迦卽作者。故餘皆準之。此下諸字文亦多三。初牒字母。次引彼釋。後會經文。牒字之文。下鈔不科。後二皆科。而經若易。兼無會經。但引義耳。今此具二。先引彼釋。後離世間下。會釋今經可知。然大品放光等多爲讌字耳。智論云。聞讌字卽知一切法離輕重相。以讌此云輕故。意明有惑爲重。斷卽爲輕。今不可得亦無輕矣。卽無無明亦盡也。

唱柂字時入般若波羅蜜門。名不退轉方便。

疏七柂字。悟一切法調伏寂靜。真如平等。無分別。故方爲不退轉方便。鈔七柂字別譯爲娜字。大品爲陀字。放光爲柂。義皆同也。文中先釋義。後方爲不退轉下。會經也。智論云。若聞陀字。知一切法善相。以陀摩秦言善故。釋曰。調伏寂靜。真如平等。善之極也。

唱婆字時入般若波羅蜜門。名金剛場。

疏八婆字。悟一切法離縛解。故方入金剛場。鈔八婆上聲字。別譯及般若皆爲麼字。與蒲我反大

撰述

華嚴疏錄卷十一

四

同文中先釋義。後方入金剛場者。會經。如佛入金剛三昧。斷如金剛。或在金剛場。則無縛解。爲真斷也。智論云。若聞婆字。卽知一切法無縛脫。以婆他此言轉故。

唱茶字時。入般若波羅蜜門。名曰普輪。

疏九茶字。悟一切法離熱矯穢。得清涼故。是普摧義。鈔九茶字別譯爲擎字。二俱上聲。大品放光亦爲茶字。文中先釋義。後是普摧義。卽會經也。智論云。若聞茶字。卽知諸法不熱。天竺茶闍陀秦言不熱故。釋曰。若茶是不熱。則前離熱以是所遣得。

清涼故。方爲般若之相。

唱沙字時。入般若波羅蜜門。名爲海藏。

疏十沙字。悟一切法無罣碍故。如海含像。鈔十

沙字史我切。別譯爲灑字。大品放光等皆爲沙字。文中先釋義。後如海含像者。會經像之與水不相碍。故智論云。若聞沙字。卽知人身六種之相。以沙此言六故。釋曰。以大品云沙字門諸法六自在王。性清淨故。卽內六處爲六自在王。心海湛然。不碍見聞覺知。猶如湛海不得像故。

唱縛字時。入般若波羅蜜門。名普生安住。

撰述

華嚴疏錄卷第十六

疏十一縛字。悟一切法言語道斷故。能徧安住。
 鈔十一縛字房可切。此下疏文恐繁。不舉次第。今
 抄牒疏。欲令不亂。皆如次第。若有會經。即科出之。
 其釋義或畧不指。文中能徧安住。即是會經。此乃
 仍上釋義。便會經文。智論云。若聞縛字。知一切法
 離言語相。以轉婆他秦云語言故。

唱嚙字時入般若波羅蜜門。名圓滿光。

疏嚙字悟一切法真不動故。不動則圓滿發光。
 鈔十二嚙字。從不動則圓滿發光。會經也。如密室
 燈定。如止水影圓。契於如如知無動矣。智論云。若

聞嚙字。卽知諸法在如中不動。以多他秦言如故。
 唱也字時入般若波羅蜜門。名差別積聚。

疏也字悟如實不生故。則諸乘差別積聚皆不可
 得。鈔十三也字。悟如實不生。是釋義則諸乘下
 會經。智論云。若聞夜字。卽知諸法入在實相等不
 生不滅。以夜他跋秦言實故。釋曰。得此論釋。知異
 第一阿字。彼云初不生。今云如實不生。則不生所
 依法體異也。

唱瑟吒字時入般若波羅蜜門。名普光明息煩惱。

疏瑟吒字。悟一切法制伏任持相。不可得故。普光

撰述

華嚴疏錄卷十一

四

明卽能制伏。任持煩惱。卽所制伏。息卽伏義。鈔十四瑟吒字。後普光明下會經。智論單云。吒字。論云。若聞吒字。卽知一切法無障礙相。以吒婆奉言。障碍故。釋曰。障礙卽制伏任持。

唱迦字時。入般若波羅密門。名無差別雲。

疏迦字悟作者不可得。則作業如雲。皆無差別。

鈔十五迦字。悟作者不可得。此字上畧。一切法下。猶有不可得。此後諸字皆上有悟。一切法下。有不可得。疏文從簡。故並畧之下方總說耳。從則作業如雲下。會經智論云。若聞迦字。卽知諸法中無有

作者。以迦謂迦羅迦。此云作者。故釋曰。旣無作者。何有作業。業旣如雲。不可承攬。無我無造。故無差別。

唱娑字時。入般若波羅密門。名降霆大雨。

疏娑_上字。卽時平等性。鈔十六娑字。但有釋義。具云。悟一切法時平等性。不可得。故智論云。若聞娑字。知一切法一切種不可得以薩婆秦言。一切故釋曰。論云。一切種智故。普曜云。其言智者。出智慧不壞音。金剛頂云。一切法諦不可得。涅槃云。娑者爲諸衆生演說正法意。明種智應時而說。亦可

得故。今經名降霆大雨也。

唱麼字時。入般若波羅蜜門。名大流湍激衆峯齊峙。
疏麼字。卽我所執性。我慢高舉。若峯齊峙。我慢則
生歟長流湍馳奔激。鈔十七麼字者。別譯爲莽。
麼字却爲第八。大品云麼卽悟一切法我所執性
不可得。我慢高舉下會經智論云。若聞麼字知一
切法離我所義。以磨迦秦言我所故。

唱伽字時。入般若波羅蜜門。名普安立。

疏伽字卽一切法行取性。鈔十八伽字別譯爲
識字。義亦全同。易故不會經。若欲會者。以行取故。

而能安立。智論云。若聞伽字。卽知一切法底不可
得。以伽陀秦言底故。釋曰。行取卽生歟底甚深。故
唱他字時。入般若波羅蜜門。名真如平等藏。

疏他字卽是處所性。鈔十九他字疏但釋義。易
不會經。會者真如平等。是所依處。出生一切。終歸
此故。智論云。若聞他字。卽知四句。如去不可得。以
多他阿伽度秦言如去故。如去卽是處所。如來時
去故。

唱社字時。入般若波羅蜜門。名入世間海清淨。

疏社字卽能所生起。鈔二十社字。別譯爲惹字。

撰述

華嚴疏錄卷十一

四

但舉其義若會經者。有能有所。是世間海。故賢首品能緣所緣力。一切法出生。速滅不暫停。念念悉如是。今不可得成般若矣。智論云。若聞闍字。卽知諸法生灭不可得。以闍提闍羅。秦言生灭故。

唱鎖字時。入般若波羅蜜門。名念一切佛莊嚴。

疏鎖字卽安隱性。鈔二十一鎖字。別譯是娑嚲字。若會經者。念佛莊嚴。最安隱故。智論云。若聞濕波字。卽知一切法不可得。如濕波字不可得。論云。濕波字無別義。而光讚中云。無所起。無所起。卽安隱義。

唱施字時。入般若波羅蜜門。名觀察簡擇。一切法聚疏施字。卽能持界性。鈔二十二施字。別譯爲馱字。義必然者。以第七亦有施字。注之爲上故。然經云。揀擇法聚。卽能持界性。法聚差別。卽是界義。各持自性也。智論云。若聞馱字。知一切法性。不可得。以馱摩此云法故。

唱奢字時。入般若波羅蜜門。名隨順。一切佛教輪光明。

疏奢字卽寂靜性。鈔二十三奢字。別譯爲捨。大般若亦云捨。涅槃云。奢若會經者。寂靜則順佛教。

智論云。若聞賒字。卽知諸佛寂滅相。以賒多都餓此云寂滅故。

唱法字時。入般若波羅蜜門。名修因地智慧藏。

疏法字卽如虛空性。鈔二十四法字。若會經者。智慧等空。故能含藏。智論云。若聞法字。知一切法等於虛空。不可得義。以法伽秦言虛空故。

唱义字時。入般若波羅蜜門。名息諸業海藏。

疏义字卽盡性。鈔二十五义。別譯爲漩渦字。若會經者。業海深廣。無不包含。非是無爲。終竟須盡。智論云。若聞义字。則知一切法盡不可得以义耶。

秦言盡。

唱娑多字時。入般若波羅蜜門。名燭諸惑障開淨光明。

疏娑多字。卽任持處。非處令不動性。惑障爲非處。開淨光明爲其處。鈔二十六娑多。先釋義。後惑障爲非處下。會經智論云。若聞娑多字。卽知諸法邊不可得。以阿利迦多度求那秦言。是事邊不可得。釋曰。以大品云。多字門諸法有不可得故。論爲此釋。以有卽有邊。必對無故。有是妄惑。故爲非處。以爲有邊。無是真空。故名爲處。故爲無邊。惑智雙

撰述

聖嚴疏錄卷第十六

四

絕不可得。

唱壞字時入般若波羅蜜門名作世間智慧門。

疏壞字卽能所知性。鈔二十七壞字輕別譯爲
嬾字。若會經者能所知性卽智慧門能知爲智慧
智慧卽門所知爲智慧智慧之門智論云。若聞惹
字卽知一切法中無智相以惹那秦言智故釋曰
但有能知必有所耳。

唱曷擣多字時入般若波羅蜜門名生死境界智慧
輪。

疏曷擣多字卽執著義性執著爲生死境義卽智

慧輪。鈔二十八曷擣多別譯爲擣他上後執著
爲下會經言境義者總有四義一文義是所詮義
二境義是所緣境三道理義謂若無常等四性義
卽第一義空今是第二生死是果執著是因並是
智慧所觀境義智論云若聞曷擣多字卽知一切
法義不可得以阿利他秦言義故。

唱婆字時入般若波羅蜜門名一切智宮殿圓滿莊
嚴。

疏婆字即可破壞性圓滿之言不空譯爲道場然
此婆字宜蒲餓反諸本多云蒲我則與第八不殊。

撰述

華嚴疏錄卷十一

三

鈔二十九婆字。圓滿之言下。會經。興善譯爲道場者。故彼云。稱婆字時。入一切官殿道場莊嚴殿。若波羅蜜門。以梵云。曇茶羅。通圓滿道場。二義故。智論云。若聞婆字。了知一切法不可得。破壞相。以婆伽秦言。破故。釋曰。經中官殿莊嚴。以從緣故。亦可破壞。以不可得。卽非莊嚴。方爲圓滿。成般若矣。從然此婆下。會其文。謂順於諸經多是去聲故。唱車字時。入般若波羅蜜門。名修行方便藏。各別圓滿。

疏車字。卽欲樂覆性。鈔三十車字別譯爲綏。若

會經文。既方便隨喜樂。故各別圓滿。智論云。若聞車字。卽知一切法無所去。以伽車秦言去故。大品亦云。聞車字時。入諸法欲不可得。而論云去者。以放光云。車者無可棄去。卽是樂欲所去耳。

唱娑麼字時。入般若波羅蜜門。名隨十方現見諸佛。疏娑麼字。卽可憶念性。鈔三十一娑_{聲人}麼。會經可知。智論云。若聞濕森字。卽知諸法堅牢如金剛。石義。以阿濕森秦言石故。釋曰。意明專念堅牢。我心匪石。不可轉也。亦不可得。

唱訶婆字時。入般若波羅蜜門。名觀察。一切無緣衆

撰述

華嚴疏金卷七十六

四

馬

生方便攝受令出生無礙力。

疏訶婆字即可呼召性無緣召令有緣故。鈔三

十二訶婆字別譯爲訶囉。文中釋義無緣召令有緣。卽會經也。智論云若聞火字卽知一切法無音

聲以火夜秦言喚來故。

唱綏字時入般若波羅蜜門名修行趣入一切功德海。

疏綏字卽勇健性。鈔二十三綏字別譯爲哆婆字。若會經者勇健方能修入功德智論云若聞綏字知一切法無慳無施以末綏羅秦言慳故釋曰

無慳最勇健施爲行首勇而能行故偏說耳。

唱伽字時入般若波羅蜜門名持一切法雲堅固海藏。

疏伽字卽厚平等性。鈔三十四伽字若會經者如地之厚平等能持亦能含藏如海平等能持能包雲雨說法智論云若聞伽字卽知諸法不厚不薄以伽那秦言厚故釋曰厚薄之事事則已入般若矣。

唱吒字時入般若波羅蜜門名隨願普見十方諸佛

疏吒字卽積集性。鈔二十五吒字別譯爲咤上

字。若會經者。積集念佛。故能普見智論云。若聞唵字。卽知一切法無住處。南天竺毘那。秦言處。故釋曰。卽積念念卽處也。

唱擎字時。入般若波羅蜜門。名觀察字輪。有無盡諸億字。

疏擎字卽離諸諱諍。無往無來。行住坐臥。謂以常觀字輪故。鈔三十六擎字。別譯爲停字。先釋義後。謂以常觀下。會經智論云。若聞擎字。卽知一切法及衆生不去不來。不生不滅。不臥不立。衆生空法空。以南天竺二云擎。秦言不故。釋曰。去等。卽是諱。

諱無卽是不。上二俱不可得。方爲般若。

唱娑頗字時。入般若波羅蜜門。名化衆生究竟處。

疏娑頗字。卽徧滿果報。鈔三十七娑頗字。別譯但云頗字。若會經者。化生究竟方爲徧滿果報。智論云。若聞頗字。卽一切法因果皆空。以頗羅秦言空。故釋曰。因果俱空。方爲圓滿。亦不可得。

唱娑迦字時。入般若波羅蜜門。名廣大藏。無碍辯光明輪徧照。

疏娑迦字。卽積聚蘊性。鈔三十八娑迦字。別譯爲塞迦。若會經者。蘊積爲廣大藏。無碍光輪所積。

撰述

華嚴疏錄卷十七

三

蘊也。智論云。若聞歌字。卽知一切法。五衆不可得。以歌大秦言衆故。釋曰。五衆卽五蘊也。畧舉一蘊耳。

唱也。娑字時入般若波羅蜜門。名宣說。一切佛法境界。

疏也。娑字。卽衰老性相。鈔二十九也。娑字。若會經者。衰老性。卽佛法境界。兼餘老歟者。菩薩勇猛觀境也。智論云。若聞磋字。卽知磋字空。諸法亦爾。釋曰。以是通相。更無別釋。然衰老性。卽是別義。

唱室者。字時入般若波羅蜜門。名於一切衆生界法。

雷徧吼。

疏室者。字卽聚集足跡。謂聚集卽一切衆生。法雷卽是足跡。鈔四十室者。字別譯云室左。文中先釋義。謂積集卽下。會經諸處。卽是足跡者。佛所行跡故。智論云。若聞遮字。卽知一切法不動相義。以遮邇秦言動故。釋曰。以大品云。遮字門。諸法行不可得。行卽動義。足卽能行。卽因行有跡。跡爲所行。若依此義。法雷徧吼。卽行法也。

唱咤字時入般若波羅蜜門。名以無我法開曉衆生。疏咤字。卽相驅迫性。謂無我曉之。卽爲驅迫。鈔

撰述

華嚴疏金卷第十一

三

四十一陀別譯爲吒。文中先釋義。後謂無我下會經。智論云。若聞吒字。卽知一切法此彼岸不可得。以吒羅秦言岸故。釋曰。卽無我驅迫。令至彼岸亦不可得。若約表位。此當等覺故。法身欲滿始本欲齊。故亾二岸。

唱陀字時。入般若波羅蜜門。名一切法輪差別藏。

疏陀字卽究竟處所。謂此究竟處含藏一切法輪。然新譯乃是茶字去聲引之。鈔四十一陀。聲文中先釋義。後謂此究竟下會經。從然新譯下會經字音。卽與善別譯也。智論云。若聞茶字。卽知一切

法必不可得。以彼茶秦言必故。釋曰。唯至究竟爲必不可得。故般若中以無所得則得菩提又約表位。此四十二當妙覺故。大品云茶字門。入諸法邊竟處。光讚云。是陀之門。一切法究竟邊際。盡其處所。無生無死。無有作者。皆菩提意也。若約初發心時。便成正覺。則初阿最後茶。

△疏上來從娑字來。皆上有悟。一切法下有不可得言。今並畧之。若且皆如瑟吒字耳。其中難者已釋。餘以經疏相對。文並可知。更有對會及修觀儀所。得功德。並別章具也。鈔上來從娑字下。第二總

相結束於中分三。一會釋上文以疏恐繁故文畧之若欲說時應須一一具其上下一切等言如云陀字悟一切法究竟處所不可得故而上引智論多具上下其中難者下。一會上之義更有對會下三指廣在餘於中有三。一對會同異前已會竟二修觀儀式三所得功德後之二門皆興善別譯今當敘之先明所得功德者彼文結云又善男子如是字門是能悟入法界邊際除如是字表諸法門更不可得何以故如是字義不可宣說不可顯示不可執取不可了持不可觀察離諸相故善男子。

譬如虛空是一切佛所歸趣處此諸字門亦復如是諸法空義皆入此門方得顯了若菩薩摩訶薩於如是入諸字門得善巧智於諸言音所詮所表皆無罣碍於一切法平等空性盡能證持於衆音咸得善巧若菩薩摩訶薩能聽如是入諸字門卽顯字印聞已受持讀誦通利爲他解說不貪名利由此因緣得二十種功德何等二十謂得強憶念得勝慚愧得堅固力得法旨趣得增上覺得殊勝慧得無碍辯得總持門得無疑惑得違順不生恚愛得無高下平等而住得於有情言音善巧得

撰述

華嚴疏錄卷十一

三

鳥

蘊善巧。處善巧。界善巧。緣起善巧。因善巧。緣善巧。
 得法善巧。得根勝劣智善巧。得他心智善巧。得觀
 星曆善巧。得天耳智善巧。宿住隨念智善巧。神境
 智善巧。生歎智善巧。漏盡智善巧。得說處非處智
 善巧。得往來威儀施說善巧。是爲得二十種殊勝
 功德。大般若放光。光讚大同於此。第三修觀儀式
 者。彼文標名大方廣佛華嚴經入法界品頓證毘
 盧遮那法身字輪。瑜伽儀軌釋云。夫欲頓入一乘。
 修習毘盧遮那如來法身觀者。先應發起普賢菩
 薩微妙行願。復應以三密加持身心。則能悟入文

殊師利大智慧海。然修行者最初於空閑處攝念
 安心。閉目端身。結跏趺坐。運心普緣無邊利海。諦
 觀三世一切如來。徧於一一佛菩薩前。殷勤恭敬。
 禮拜旋繞。又以種種供具雲海。奉獻如是一切聖
 衆。廣大供養已。復應觀自心。心本不生。自性成就。
 光明徧照。猶如虛空。復應深起悲念。哀愍衆生。不
 悟自心。輪迴諸趣。我當普化拔濟。令其開悟。盡無
 有餘。復應觀察自心。諸衆生心。及諸佛心。本無有
 異平等一相。成大菩提心。瑩徹清淨。廓然周徧圓
 明皎潔。成大月輪。量等虛空。無有邊際。復於月輪

撰述

聖教疏錄卷之二

內右旋布列四十二梵字。悉皆金色。放大光明。照徹十方。分明顯現。一一光中。具無量刹海。一一刹海有無量諸佛。一一諸佛有無量聖衆。前後圍繞坐菩提場成等正覺。智入三世身徧十方。轉大法輪。度脫羣品。悉令現證無住涅槃。復應悟入般若波羅蜜四十二字門。了一切法皆無所得。能觀法界悉皆平等。無異無別。修瑜伽者。若能與是旋陀羅尼觀行相應。卽能現證毘盧遮那如來智身。於諸法中得無障礙。

善男子。我唱如是字母時。此四十二般若波羅蜜門爲首。入無量無數般若波羅蜜門。疏結云。四十二門者。謂表四十二位故。故智論中諸位圓融。明初阿具後諸字。

善男子。我唯知此善知衆藝菩薩解脫。如諸菩薩摩訶薩能於一切世出世間善巧之法。以智通達。到於彼岸。殊方異藝。咸綜無遺。文字算數。蘊其深解。鑒方呪術。善療衆病。有諸衆生。鬼魅所持。怨憎呪詛。惡星變怪。死屍奔逐。顛癲羸瘦。種種諸疾。咸能救之。使得痊愈。又善別知金玉珠貝珊瑚瑠璃摩尼碑礫雞薩羅等。一切寶藏出生之處。品類不同。價直多少。村營

撰述

華嚴疏錄卷二十六

鄉邑大小都城官殿苑園巖泉藪澤。凡是一切人衆所居菩薩咸能隨方攝護。又善觀察天文地理。人相吉凶鳥獸音聲雲霞氣候年穀豐儉國土安危。如是世間所有技藝莫不試練盡其原本又能分別出世之法。正名辯義觀察體相隨順修行智入其中無疑無礙無愚暗無頑鈍無憂惱無沉沒無不現證而我云何能知能說彼功德行。

疏第四謙推中推勝卽就其所知衆藝寄勝推之不捨世俗皆與實相不相違背會同般若之門。

善男子此摩竭提國有一聚落彼中有城名婆呬那

有優婆夷號曰賢勝汝詣彼問菩薩云何學菩薩行修菩薩道

疏五指後婆怛那此云增益以無盡三昧能出生故友名賢勝者賢猶直善無依道場直善之最故時善財童子頭面敬禮知藝之足繞無數帀戀仰辭去

向聚落城至賢勝所禮足圍繞合掌恭敬於一面立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

撰述

華嚴疏錄卷之十六

三

疏第四賢勝優婆夷幻智無依善友。初二可知。賢勝答言。善男子。我得菩薩解脫名無依處道場。既自開解。復爲人說。又得無盡三昧。非彼三昧法有盡無盡。以能出生一切智性眼無盡故。又能出生一切智性耳無盡故。又能出生一切智性鼻無盡故。又能出生一切智性舌無盡故。又能出生一切智性身無盡故。又能出生一切智性意無盡故。又能出生一切智性功德波濤無盡故。又能出生一切智性智慧光明無盡故。又能出生一切智性速疾神通無盡故。

疏三賢勝答下。授已法門中二。初得解脫。後得三

昧。今初直就經文內外無依即是道場。賢首云。梵名那阿賴耶曼茶羅那者。此云無也不也。阿賴耶云依處也。依止也。曼茶羅云道場也。圓場也。謂無阿賴耶染分依處而有淨分圓場。出生勝德不可窮盡。卽轉依究竟顯德無盡故也。下二句卽二利之用。後得三昧。先名後非彼下用。卽爲釋名。於中初揀濫後以能下。顯是謂體則雙超盡及無盡。但從用出生說無盡耳。然則二門相成無依道場。卽空如來藏無盡三昧。卽是不空。要心無依契於本空方見不空。具性功德。故云出生智性眼等。息妄

10

1 2 3 4 5 6 7 8 9

20

1 2 3 4 5 6 7 8 9

30

顯出故曰出生。出非本無。猶稱智性。
善男子我唯知此無依處道場解脫。如諸菩薩摩訶
薩一切無著功德行。而我云何盡能知說。善男子。南
方有城名爲沃田。彼有長者名堅固解脫汝可往問。
菩薩云何學菩薩行修菩薩道爾時善財禮賢勝足。
繞無數帀戀慕瞻仰辭退南行。

疏指後云沃田者是南天竺近水沃潤故顯無念
定水能滋長故長者名堅固解脫者無著清淨惑
不能壞卽解脫故。

到於彼城詣長者所禮足圍繞合掌恭敬於一面立。

白言聖者我已先發阿耨多羅三藐三菩提心而未
知菩薩云何學菩薩行云何脩菩薩道我聞聖者善
能誘侮願爲我說長者答言善男子我得菩薩解脫
名無著念清淨莊嚴我自得是解脫已來於十方佛
所勤求正法無有休息善男子我唯知此無著念淨
莊嚴解脫如諸菩薩摩訶薩獲無所畏大師子吼安
住廣大福智之聚而我云何能知能說彼功德行善
男子卽此城中有一長者名爲妙月其長者宅常有
光明汝詣彼問菩薩云何學菩薩行修菩薩道時善
財童子禮堅固足繞無數帀辭退而行。

撰述

華嚴疏錄卷十七

三

疏第五堅固長者。幻智無著善友。示法門中。先顯名無著約境。離所知故。無念約心。心體離念。故無煩惱。二障永盡。是曰清淨淨則能嚴法身。後我自得下彰用。既二障不生。則無愛見。故無求求法。無厭無休。鈔第五堅固長者。無念約心者。卽以無字兩用。若無著念三字連釋。則無著約止。而不得念念明記。卽止觀雙行也。亦離二障。則以智斷而嚴法身。三德備矣。

向妙月所禮足圍繞合掌恭敬於一面立白言聖者。我已先發阿耨多羅三藐三菩提心。而未知菩薩云

何學菩薩行。云何修菩薩道。我聞聖者。善能誘誨。爲我說妙月答言。善男子。我得菩薩解脫。名淨智光明。善男子。我唯知此智光解脫。如諸菩薩摩訶薩證得無量解脫法門。而我云何能知能說彼功德行。善男子。於此南方。有城名出生。彼有長者名無勝軍。汝詣彼問菩薩云何學菩薩行。修菩薩道。是時善財禮妙月足。繞無數匝。戀仰辭去。

疏第六妙月長者。幻智智光善友。真智廓妄。名爲淨智。後智照法。名爲智光。能淨能光。若秋空滿月。故名妙月。

漸向彼城。至長者所。禮足圍繞。合掌恭敬。於一面立。白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我聞聖者善能誘誨。願爲我說。長者答言。善男子。我得菩薩解脫名無盡相。我以證此菩薩解脫。見無量佛。得無盡藏。善男子。我唯知此無盡相解脫。如諸菩薩摩訶薩得無限智。無礙辯才。而我云何能知能說彼功德行。善男子。於此城南。有一聚落。名之爲法。彼聚落中有婆羅門。名最寂靜。汝詣彼問菩薩云何學菩薩行。修菩薩道。時善財童子禮無勝軍足。繞無數帀。戀仰辭去。

疏第七無勝軍長者。幻智無盡相善友。法門之名。卽所成德相。無窮盡故。我以證下。以用釋名。得無盡藏。謂聞諸妙法。又諸心境無非佛法故。若佛法皆無有盡。既見佛得法無盡。故無能勝。衆德所聚。從喻如軍。亦能普勝諸魔軍故。皆從體出。故城名出生。鈔第七無勝軍解脫有二釋。一約用無盡。又諸心境下。二約體無盡。既見佛下。以法釋名。漸次南行。詣彼聚落。見最寂靜。禮足圍繞。合掌恭敬。於一面立。白言聖者。我已先發阿耨多羅三藐三菩提心。而未知菩薩云何學菩薩行。云何修菩薩道。我

撰述

華嚴疏錄卷十六

聞聖者善能誘誨。願爲我說。婆羅門答言。善男子。我得菩薩解脫名。誠願語。過去現在未來菩薩以是語故。乃至於阿耨多羅三藐三菩提無有退轉。無已退。無現退。無當退。善男子。我以住於誠願語故。隨意所作。莫不成滿。

疏第八最寂靜婆羅門。幻智誠願語善友。授法中先標名。有二義故。一始終無妄故。如從初發心。立弘誓言。必如言行。不乖先語故。二者隨行不虛故。如忍辱仙人言我不瞋。令身還復後。過去下。以用釋名。卽如次釋前二義。虛誑言息。故云寂靜。寂靜

卽爲淨行。言行君子之樞機。苟能誠實斯則可法。故城名爲法。鈔第八最寂靜。卽如次釋前二義者。先釋始終無妄。後善男子我以住是下。釋隨行不虛心行稱言故。所作成滿。通二利滿。虛誑言息下。以法釋名。於中初釋最寂靜。次寂靜。卽爲淨行。釋婆羅門。後言行君子之樞機下。釋其城名。然此一句卽周易繫辭子曰。君子居其室。出其言善。則千里之外應之。況其邇者乎。居其室。出其言不善。則千里之外違之。況其邇者乎。言出乎身。加乎民。行發乎邇。見乎遠。言行君子之樞機。樞機制動之

撰述

華嚴疏錄卷第十六

主樞機之發榮辱之主。言行君子之所以動天地也。可不慎乎。雖爲外典。意與斯合。但所行內外異耳。

善男子我唯知此誠語解脫如諸菩薩摩訶薩與誠願語行止無違言必以誠未曾虛妄無量功德因之出生而我云何能知能說。善男子於此南方有城名妙意華門。彼有童子名曰德生復有童女名爲有德汝詣彼問菩薩云何學菩薩行修菩薩道。

疏指後云妙意華門者妙意華者卽蘇滿那華其城門側有之故亦在南天當受其訓得求友之妙

意勝因之華故童子表於淨智智則萬德由生童女表於淨悲悲爲衆德之本以悲智相導故二人同會會緣之終此二滿故將見慈氏紹佛位故

鈔會緣之終此二滿者卽悲智滿言將見慈氏紹佛位者慈氏悲滿佛位智滿耳。

時善財童子於法尊重禮婆羅門足繞無數帀戀仰而去。

佛母摩耶夫人經文疏鈔

優婆夷李明璜捐貲三兩五錢銕刻伏願染淨俱融覓女身而何得智行雙運同佛母而齊圓

10

1

2

3

4

5

6

7

8

9

20

1

2

3

4

5

6

7

8

9

撰述

東京大学総合図書館所蔵

卷

鳥

善知衆藝善友經文疏鈔

春波坊弟子王廷諫捐貲三兩五錢鋟刻伏願
仗此勝因出生無盡福智

天主光等七位善友經文疏鈔

弟子張鑾五錢仲世芳五錢

仲曰友募

松陵信

士近鳳音三錢近門李氏三錢近紹原二錢麟
渚朱用明一錢

智舷募

沙門寂用寂永文頑淨

宇明馨廣饗大省智周隆琦圓靖信士張載信
女章氏各一錢

明馨募

同種勝因同證性海

大方廣佛華嚴經疏鈔卷第七十六

大方廣佛華嚴經疏鈔卷第七十七

于闐國三藏沙門實叉難陀譯

清涼山大華嚴寺沙門澄觀撰述

入法界品第三十九之十八

爾時善財童子漸次南行至妙意華門城見德生童
子有德童女頂禮其足右繞畢已於前合掌而作是
言聖者我已先發阿耨多羅三藐三菩提心而未知
菩薩云何學菩薩行云何修菩薩道唯願慈哀爲我
宣說時童子童女告善財言善男子我等證得菩薩
解脫名爲幻住

撰述

華嚴疏錄卷十一

十一

馬

疏第九德生有德幻智歸幻門善友第一依教趣求第二見德生下見敬諮問第三時童子下示已法門於中二初標名後業用今初謂能所境智染淨之法皆從緣起無定性故如幻而住。得此解脫故見一切世界皆幻住因緣所生故一切衆生皆幻住業煩惱所起故一切世間皆幻住無明有愛等展轉緣生故一切法皆幻住我見等種種幻緣所生故一切三世皆幻住我見等顛倒智所生故一切衆生生滅生老病死憂悲苦惱皆幻住虛妄分別所生故一切國土皆幻住想倒心倒見倒無明所現故一切聲聞辟支佛皆幻住智斷分別所成故一切菩薩皆幻住能自調伏教化衆生諸行願法之所成故一切菩薩衆會變化調伏諸所施爲皆幻住願智幻所成故善男子幻境自性不可思議。

疏二得此解脫下明業用中二初別明後結歎今初有十種幻皆上句標幻下句以緣生釋成十中初一爲總緣生世界並通染淨利海亦名世界故餘九爲別初五約染分依他如幻緣生故一約有情苦果從業惑集生二約十二因緣順觀卽世間故次第相由故云展轉三就五類法中但除無爲

10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

故云一切以無爲無有起。非幻緣生故。異熟識等從無始惡習內執爲我四惑相應故。云我見等。及外取妄境云種種幻緣。故感心等悉皆如幻。四五二句別明不相應行四卽是時。謂依行相續不斷分位建立爲時。所依行空時何所立。妄計有體。是顛倒智五卽無常生老等。謂依生已壞滅。分位建立無常等。皆妄分別有。鈔三就五類者。疏文有三。一釋一切法卽有爲一切。以無爲下。出揀無爲。所以同掌珍論真性有爲空故。二從異熟識等下。出餘四類之果異熟。是心等餘七識及心所色法。

並不相應。從無始下。釋我見等能成之。因然我見有一。一與七識相應。卽執第八以爲內我。或謂我所而四惑相應。今言我見等者。等取愛慢二者與六識相應。我執兼外取妄境以爲我所。及起餘惑。故云種種三。故感已下。辨因感果可知。四五二句者。然不相應有二十四。今二門中畧遺其四。等於所餘四中。言卽是時者。釋經三世三世是二十四中之一時。故從謂依行下。出三世如幻之由。行卽五蘊刹那生滅前後相續。已謝爲過去。未起爲未來。生已未謝名爲現在。離行之外。何有分位。而有

撰述

華嚴疏錄卷之十

三

三世耶。況所依行空能依何有。五卽無常者。卽二十四中之三。一無常。二生。三老等。卽等上經言。生滅及死。皆無常攝。生老二字。卽是二法。但畧無住。又諸聖教多合生滅名爲無常。所以然者。生名爲有。有非恒有。不如無爲。滅名爲無。無非恒無。不如兔角。由不同彼無爲兔角。一常之相。故名無常。謂依生已下。顯如幻所由。故唯識第二云。然有爲法因緣力故。本無今有。有位名生生位。贊停卽說爲住。住別相本無今有。有位名生生位。贊停卽說爲住。住別前後復立異名。贊有還無。無時稱滅。斯卽依生已。

壞滅分位建立也。言皆妄分別者。正顯幻因。然其憂悲苦惱。卽生老中事體。非不相應行。又上四五亦是前十二因中別義。四明三世生老死耳。

疏次一切國土義。通染淨衆生染土。多從三倒所生。以不了唯心妄取境界故。上云一切國土。但想所持。旣有妄想。故心見皆倒。言無明所現。亦通淨利。謂登地已上無明未盡。所見國土種種不同。旣云無明。則揀非佛土。鈔旣有妄想者。卽出三倒也。一想倒。二心倒。三見倒。然十行品已廣分別。彼有多義。今是一義。以心見非倒。由想亂故。令餘二

撰述

卷七十七

四

皆倒耳。

疏後三種但約淨分依他從緣如幻可以意得。後善男子下結歎言自性不思議者幻法非有體不實故非無相非無故非一性相異故非異無二體故空有相卽一異兩亾旣離二邊亦忘中道由斯交徹故能一中現多。多皆卽一重重無碍爲不思議故推勝云善入無邊諸事幻網。鈔幻法非有者此中且約有無一異兼下中道以爲三觀亦應有離四句又以合性相非一非俱非尙非異之義當非俱句旣離二邊已是中道亦亾中道絕待

中也上卽事理無碍由斯交徹下卽事事無碍餘義如前

善男子我等二人但能知此幻住解脫如諸菩薩摩訶薩善入無邊諸事幻網彼功德行我等云何能知能說。

疏第四善男子我等下謙已推勝

時童子童女說自解脫已以不思議諸善根力令善財身柔軟光澤而告之言善男子於此南方有國名海岸有園名大莊嚴其中有一廣大樓閣名毘盧遮那莊嚴藏從菩薩善根果報生從菩薩念力願力自

在力神通力生。從菩薩善巧方便生。從菩薩福德智慧生。善男子住不思議解脫菩薩。以大悲心爲諸衆生現如是境界。集如是莊嚴。

疏第五時童子下。指示後友。於中二初以力冥加後而告下。以言顯示。於中三初指處。二示人。三教問。今初國名海岸者。南海北岸。一生菩薩臨智海故園名大莊嚴。因圓萬行而嚴果故。又生外園苑以萬行樹林嚴自果故。廣大樓閣等者。約事則其中廣博同虛空故。有多光明能徧照故。阿僧祇等寶所嚴故。蘊多樓閣包多事故。約法則三智相依。

緣起相由。故云樓閣智即法界。是爲廣大名毘盧等。順成上義。二智光明徧照事理。故智能包含萬德。卽莊嚴藏。華嚴萬行不離此故。上約其果。從菩薩下出。因善根果報約其宿因。是彼善根之果報故。念力願等約其現緣。後住不思議下。現依所爲。鈔約事則下。先釋廣大有多光下。釋毘盧遮那阿僧祇下。釋莊嚴蘊多樓下。釋藏。彌勒菩薩摩訶薩安處其中。爲欲攝受本所生處父母眷屬及諸人民令成熟故。又欲令彼同受生同修行衆生於大乘中得堅固故。又欲令彼一切衆生隨

撰述

聖闡西金卷十一

住地隨善根皆成就故。又欲爲汝顯示菩薩解脫門。故顯示菩薩徧一切處受生自在故。顯示菩薩以種種身普現一切衆生之前常教化故。顯示菩薩以大悲力普攝一切世間資財而不取故。顯示菩薩具修諸行知一切行離諸相故。顯示菩薩處處受生了一切生皆無相故。

疏二彌勒菩薩下示人先正示後爲欲下顯住因彌勒梵音具云迷帝隸此云慈氏其姓也。鈔具云迷諦隸者西域記亦翻爲梅怛麗皆梵音輕重疏然有三緣一由本願過去值大慈如來因立大

願願得斯號故二由此得慈心三昧故三由母懷時有慈心故如滿慈子名阿逸多此云無勝以生具相好勝德無過故今以姓而呼但云慈氏慈依智住故曰處中悲智雙游皆爲利物故云爲欲等鈔然有三緣者此三展轉相生謂由遇慈氏如來故得慈心三昧得三昧故母亦慈也慈依智住者上以樓閣爲一智故。

汝詣彼問菩薩云何行菩薩行云何修菩薩道云何學菩薩戒云何淨菩薩心云何發菩薩願云何集菩薩助道具云何入菩薩所住地云何滿菩薩波羅蜜

撰述

華嚴經卷十一

云何獲菩薩無生忍。云何具菩薩功德法。云何事菩薩善知識。

疏三詣彼下教問中二先正教興十問者表無盡故。

何以故。善男子彼菩薩摩訶薩通達一切菩薩行。了知一切衆生心。常現其前。教化調伏。彼菩薩已滿一切波羅蜜已住一切菩薩地。已證一切菩薩忍。已入一切菩薩位。已蒙授與具足記。已游一切菩薩境。已得一切佛神力。已蒙一切如來以一切智甘露法水而灌其頂。善男子。彼善知識能潤澤汝諸善根。能增長汝菩提心。能堅汝志。能益汝善。能長汝菩薩根。能示汝無礙法。能令汝入普賢地。能爲汝說菩薩願。能爲汝說普賢行。能爲汝說一切菩薩行願所成功德。疏後何以下釋廣問所由。先徵後釋。徵意云。何以要須廣問。釋有二意。一所求德廣能具說故。後善男子汝不應下能求大心法應爾故。前中二初通顯彌勒德圓位滿後善男子彼善知識下別顯是其真善友故。設若德滿非已有緣亦難求故。

善男子汝不應修一善。照一法行一行發一願。得一記。住一忍。生究竟想。不應以限量心行於六度。住於

撰述

華嚴疏鈔卷十一

八

十地淨佛國土事善知識。何以故。善男子。菩薩摩訶薩應種無量諸善根。應集無量苦提具。應修無量菩提因。應學無量巧迴向。應化無量衆生界。應知無量衆生心。應知無量衆生根。應識無量衆生解。應觀無量衆生行。應調伏無量衆生。應斷無量煩惱。應淨無量業習。應滅無量邪見。應除無量雜染心。應發無量清淨心。應拔無量苦毒箭。應潤無量愛欲海。應破無量無明暗。應摧無量我慢山。應斷無量生死縛。應度無量諸有流。應竭無量受生海。應令無量衆生出五欲淤泥。應使無量衆生離三界牢獄。應置無量衆生。

於聖道中。應消滅無量貪欲行。應淨治無量瞋恚行。應摧破無量愚癡行。應超無量魔網。應離無量魔業。應淨治菩薩無量欲樂。應增長菩薩無量方便。應出生菩薩無量增上根。應明潔菩薩無量決定解。應趣菩薩無量諸行。應示現菩薩無量隨順世間行。應生無量淨信力。應住無量精進力。應淨無量正念力。應滿無量三昧力。應起無量淨慧力。應堅無量勝解力。應集無量福德力。應長無量智慧力。應發起無量菩薩力。應圓滿無量如來力。應分別無量法門。應了知無

量法門應清淨無量法門應生無量法光明應作無量法照耀應照無量品類根應知無量煩惱病應集無量妙法藥應療無量衆生疾應嚴辨無量甘露供應往詣無量佛國土應供養無量諸如來應入無量菩薩會應受無量諸佛教應忍無量衆生罪應滅無量惡道難應令無量衆生生善道應以四攝攝無量衆生應修無量總持門應生無量大願門應修無量大慈大願力應勤求無量法常無休息應起無量思惟力應起無量神通事應淨無量智光明應往無量衆生趣應受無量諸有生應現無量差別身應知無

量言辭法應入無量差別心應知菩薩大境界應菩薩大宮殿應觀菩薩甚深妙法應知菩薩難知境界應行菩薩難行諸行應具菩薩尊重威德應踐菩薩難入正位應知菩薩種種諸行應現菩薩普偏神力應受菩薩平等法雲應廣菩薩無邊行網應滿菩薩無邊諸度應受菩薩無量記別應入菩薩無量忍門應治菩薩無量諸地應淨菩薩無量法門應同諸菩薩安住無邊劫供養無量佛嚴淨不可說佛國土出生不可說菩薩願

疏二明能求大心法應爾故者卽廣誠勸於中二

先誠勸求法。後誠勸事友前中二。先標不應誠其去劣。後何以下釋所應作令其廣修文中先徵後釋。釋中亦二。先別明應修後善男子舉要下結畧顯廣。前中有九十八門分爲十段。一上求苦提行。二應化下。下救衆生行。三應斷下。自斷惑障行。四應令無量衆生下。勸物出離行。五應消滅下淨自根欲行。除三不善根則成三善根等故。六應生淨信下。功用自在行。七應分別下。攝法治惑行。八應嚴辨下。供佛攝生行。九應修總持下。悲願深廣行。十應入差別心下。證入圓滿行。

善男子。舉要言之。應普修一切菩薩行。應普化一切衆生界。應普入一切劫。應普生一切處。應普知一切世。應普行一切法。應普淨一切刹。應普滿一切願。應普供一切佛。應普同一切菩薩願。應普事一切善知識。

疏二。結畧顯廣者。謂別陳難具故。

善男子。汝求善知識不應疲倦。見善知識勿生厭足。請問善知識勿憚勞苦。親近善知識勿懷退轉。供養善戶知識不應休息。受善知識教不應倒錯。學善戶知識行不應疑惑。聞善知識演說出離門不應猶豫。見善

10 1 2 3 4 5 6 7 8 9

20 1 2 3 4 5

6 7 8 9

10 1 2 3 4 5 6 7 8 9

撰述

華嚴疏錄卷十一

知識隨煩惱行勿生嫌怪於善知識所生深信尊敬
心不應變改

疏第二善男子汝求下誠勸事友中三初誠次勸
後雙結二門今初分二先正誠其離過後何以故
下舉益釋成今初言見隨煩惱行勿嫌怪者善
友有一一實二權權能行於非道內外生熟善巧
難知故不應嫌實中復二一行一解今但求解不
應觀行故如智論五十說亦如有目跛人猶能示
道

何以故善男子菩薩因善知識聽聞一切菩薩諸行

成就一切菩薩功德出生一切菩薩大願引發一切
菩薩善根積集一切菩薩助道開發一切菩薩法光
明顯顯示一切菩薩出離門修學一切菩薩清淨戒安
住一切菩薩功德法清淨一切菩薩廣大志增長一
切菩薩堅固心具足一切菩薩陀羅尼辨才門得一
切菩薩清淨藏生一切菩薩定光明得一切菩薩殊
勝願與一切菩薩同一願聞一切菩薩殊勝法得一
切菩薩秘密處至一切菩薩法寶洲增一切菩薩善
根芽長一切菩薩智慧身護一切菩薩深密藏持一
切菩薩福德聚淨一切菩薩受生道受一切菩薩正

法雲入一切菩薩大願路趣。一切如來菩提果攝取。一切菩薩妙行。開示一切菩薩功德。往一切方聽受妙法。讚一切菩薩廣大威德。生一切菩薩大慈悲力。攝一切菩薩勝自在力。生一切菩薩菩提分作一切菩薩利益事。

疏二舉益釋成中有二。初明善友能示行故。二明善友爲外護故。今初先徵意云。但起廣心足成大道。何以要令事友誠離過耶。釋云。法假人弘。不因善友。何能聞諸妙行。於中有三十五句。句各一行。

善男子。菩薩由善知識任持。不墮惡趣。由善知識攝受。不退大乘。由善知識護念。不毀犯菩薩戒。由善知識守護。不隨逐惡知識。由善知識養育。不缺減菩薩法。由善知識攝取。超越凡夫地。由善知識教誨。超越二乘地。由善知識示導。得出離世間。由善知識長養。能不染世法。由承事善知識修。一切菩薩行。由供養善知識。具一切助道法。由親近善知識。不爲業惑之所推伏。由恃怙善知識勢力。堅固不怖諸魔。由依止善知識增長。一切菩提分法。何以故。善男子。善知識者。能淨諸障。能滅諸罪。能除諸難。能止諸惡。能破無

撰述

華嚴疏卷十一

十一

明長夜黑暗能壞諸見堅固牢獄能出生死城能捨
世俗家能截諸魔網能拔衆苦箭能離無智險難處
能出邪見大曠野能度諸有流能離諸邪道能示苦
提路能教菩薩法能令安住菩薩行能令趣向一切
智能淨智慧眼能長菩提心能生大悲能演妙行能
說波羅蜜能擯惡知識能令住諸地能令獲諸忍能
令修習一切善根能令成辦一切道具能施與一切
大功德能令到一切種智位能令歡喜集功德能令
踊躍修諸行能令趣入甚深義能令開示出離門能
令杜絕諸惡道能令以法光照耀能令以法雨潤澤
能令消滅一切惑能令捨離一切見能令增長一切
佛智慧能令安住一切佛法門

疏第二善男子菩薩由善知識下明善友能爲外
護前卽能生此能養育於中二前正明能爲攝護
後句以下舉因釋成於中初徵意云善惡在己善
友何能令我不墮惡趣等耶釋意云由友令離惡
因故因亾果喪豈非友力以此四十句釋上正明
十五句有通有別通則後諸惡因通對前果別則
各各配屬如由除諸難不退大乘由止諸惡不犯
淨戒由破無明不隨惡友下諸句或有二三對上

10 1 2 3 4 5 6 7 8 9

20

30

撰述

華嚴疏鈔卷十一

古

三

一句可以意得。恐繁不配。
善男子。善知識者如慈母。出生佛種故。如慈父。廣大
利益故。如乳母。守護不令作惡故。如教師。示其菩薩
所學故。如善導。能示波羅蜜道故。如良醫。能治煩惱
諸病故。如雪山增長一切智藥故。如勇將。殄除一切
怖畏故。如濟客。令出生死暴流故。如船師。令到智慧
寶洲故。善男子。常當如是正念思惟諸善知識。

疏第二。善男子。善知識者如慈母下教勸。謂教其
事友之方。文有四段。皆約喻顯一教念友勝德。於
中先歎勝後常當如是下結勸。

復次善男子。汝承事一切善知識應發如大地心。荷
負重任無疲倦故。應發如金剛心。志願堅固不可壞
故。應發如鐵圍山心。一切諸苦無能動故。應發如給
侍心。所有教令皆隨順故。應發如弟子心。所有訓誨
無違逆故。應發如僮僕心。不厭一切諸作務故。應發
如養母心。受諸勤苦不告勞故。應發如傭作心。隨所
受教無違逆故。應發如除糞人心。離憍慢故。應發如
已熟稼心。能低下故。應發如良馬心。離惡性故。應發
如大車心。能運重故。應發如調順象心。恒伏從故。應
發如須彌山心。不傾動故。應發如良犬心。不害主故。

應發如栴荼羅心離憍慢故應發如犧牛心無威怒故應發如舟船心往來不倦故應發如橋梁心濟度忘疲故應發如孝子心承順顏色故應發如王子心遵行教命故。

疏二復次汝承事下教起事友心行有二十一句亦顯

復次善男子汝應於自身生病苦想於善知識生醫王想於所說法生良藥想於所修行生除病想又應於自身生遠行想於善知識生導師想於所說法生正道想於所修行生遠達想又應於自身生求度想於善知識生船師想於所說法生舟楫想於所修行生到岸想又應於自身生苗稼想於善知識生龍王想於所說法生時雨想於所修行生成熟想又應於自身生貧窮想於善知識生毘沙門王想於所說法生財寶想於所修行生富饒想又應於自身生弟子想於善知識生良工想於所說法生技藝想於所修行生了知想又應於自身生恐怖想於善知識生勇健想於所說法生器仗想於所修行生破怨想又應於自身生商人想於善知識生導師想於所說法生珍寶想於所修行生捨拾想又應於自身生兒子想

10 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9

於善知識生父母想於所說法生家業想於所修行
生紹繼想又應於自身生王子想於善知識生大臣
想於所說法生王教想於所修行生冠王冠想服王
服想繫王縉想坐王殿想

疏三復次汝應於自身下身友對辯文有十句。句
各四事可知。鈔句各四事者此四亦卽涅槃四
近因緣前已頗釋故云可知初一句卽親近善友。
第三句卽聽聞正法第四句卽如說修行正念思
惟徧於四句故句句皆令如是想亦可第四句合
正念思惟又第一句是具四之人餘三可知。

善男子汝應發如是心作如是意近善知識何以故。
以如是心近善知識令其志願永得清淨復次善男
子善知識者長諸善根譬如雪山長諸藥草善知識
者是佛法器譬如大海吞納衆流善知識者是功德
處譬如大海出生衆寶善知識者淨菩提心譬如猛
火能鍊真金善知識者出過世法如須彌山出於大
海善知識者不染世法譬如蓮華不著於水善知識
者不受諸惡譬如大海不宿灰屎善知識者增長白
法譬如白月光色圓滿善知識者照明法界譬如盛
日照四天下善知識者長菩薩身譬如父母養育兒

子

疏四善男子汝應發如是心下結勸成益於中一初正勸後何以下舉益釋成於中亦一先正釋事友之益後復次下重讚友爲能益故宜承事。

善男子以要言之菩薩摩訶薩若能隨順善知識教得十不可說百千億那由他功德淨十不可說百千億那由他深心長十不可說百千億那由他菩薩根淨十不可說百千億那由他菩薩力斷十不可說百千億阿僧祇障超十不可說百千億阿僧祇魔境入十不可說百千億阿僧祇法門滿十不可說百千億

阿僧祇助道修十不可說百千億阿僧祇妙行發十不可說百千億阿僧祇大願善男子我復畧說一切菩薩行一切菩薩波羅蜜一切菩薩地一切菩薩忍一切菩薩總持門一切菩薩三昧門一切菩薩神通智一切菩薩廻向一切菩薩願一切菩薩成就佛法皆由善知識力以善知識而爲根本依善知識生依善知識出依善知識長依善知識住善知識爲因緣善知識能發起。

疏第三善男子以要下雙結誠勸一門謂別說難窮故結廣從畧於中亦一先寄數結多後我復畧

10

1

2

3

4

5

6

7

8

9

20

1

2

3

4

5

6

7

8

9

說下總收結多既通一切何但百千明知前云十不可說意顯無盡耳。

時善財童子聞善知識如是功德能開示無量菩薩妙行能成就無量廣大佛法踊躍歡喜頂禮德生及有德足繞無量市殷勤瞻仰辭退而去。

疏第六時善財下懲德禮辭鈔第二明會緣入實相竟。

爾時善財童子善知識教潤澤其心正念思惟諸菩薩行向海岸國

疏自下大文第三慈氏一人明攝德成因相前既

會緣入實定堪成佛故辨一生補處成因之義文唯五段以補處位極顯彰闕謙推故第一依教趣求中二初標念前趣後鈔慈氏一人者先來意後故辨一生已下釋攝德成因之名。

自憶往世不修禮敬卽時發意勤力而行復憶往世身心不淨卽時發意專自治潔復憶往世作諸惡業卽時發意專自防斷復憶往世起諸妄想卽時發意恒正思惟復憶往世所修諸行但爲自身卽時發意令心廣大普及舍識復憶往世追求欲境常自損耗無有滋味卽時發意修行佛法長養諸根以自安隱

撰述

華嚴疏錄卷十七

七

馬

復憶往世起邪思念顛倒相應。卽時發意生正見心。起菩薩願。復憶往世日夜勤勞作諸惡事。卽時發意。起大精進成就佛法。復憶往世受五趣生於自他身。皆無利益。卽時發意願以其身饒益衆生成就佛法。承事一切諸善知識。如是思惟。生大歡喜復觀此身。是生老病死衆苦之宅。願盡未來劫修菩薩道。教化衆生。見諸如來成就佛法遊行一切佛刹。承事一切法師。住持一切佛教。尋求一切法侶。見一切善知識。集一切諸佛法與一切菩薩願智身而作因緣。作是念時長不思議無量善根。卽於一切菩薩深信尊重。

生希有想。生大師想。諸根清淨。善法增益。起一切菩薩恭敬供養作一切菩薩曲躬合掌。生一切菩薩普見。世間眼起。一切菩薩普念。衆生想現。一切菩薩無量願化身出。一切菩薩清淨讚說音想見過現。一切諸佛及諸菩薩於一切處示現成道。神通變化乃至無有一毛端處而不周徧。又得清淨智光明眼。見一切菩薩所行境界。其心普入十方刹網。其願普徧虛空法界。三世平等無有休息。如是一切皆以信受善知識教之所致耳。

疏二自憶下別生勝念悔往修來於中四一觀昔

撰述

華嚴疏錄卷十七

三

馬

非以行對治。一復觀此身下。觀其現苦策進當善。
諸修行者願審此倣之。二作是念時下明觀念之
益。益其勝觀。四如是一切下結益所屬。

善財童子以如是尊重。如是供養。如是稱讚。如是觀
察。如是願力。如是想念。如是無量智慧境界。於毘盧
遮那莊嚴藏大樓閣前五體投地。暫時歛念思惟觀
察。以深信解大願力故。入徧一切處智慧身平等門。
疏第二善財童子以如是下見敬詰問於中二初
見敬後詰問前中亦二先見依後見正各自申敬
前中二先入定申敬後出定敬讚前中三初結前

標後二別顯定用三總結成益。今初歛念者標
定思察者定加行信願者是定因入徧下辨定名
相

普現其身在於一切如來前。一切菩薩前。一切善知
識前。一切如來塔廟前。一切如來形像前。一切諸佛
諸菩薩住處前。一切法寶前。一切聲聞辟支佛。及其
塔廟前。一切聖衆福田前。一切父母尊者前。一切十
方衆生前。皆如上說。尊重禮讚。盡未來際無有休息。
等虛空無邊量故。等法界無障礙故。等實際徧一切
故。等如來無分別故。猶如影隨智現故。猶如夢從思

起故猶如像。不一切故猶如響。緣所發故無有生遞
興謝故無有性隨緣轉故。

疏二 普現下別顯定用。卽雙運定慧於中。一一明
卽智定之妙用。於中先羅身雲於法界。後等虛空
下契法性之真源。鈔契法性者。文有十句。初四
法說一向契實。前三約法。後一約人人亦得名圓
普成實故。次四喻明就相契實。卽法而虛同實理故。
皆上句標相下句釋成後二句約法結其性。相經
言無有生遞興謝者。以更興謝故無定生下句既
從緣生明無定性無性卽法界也。

又決定知一切諸報皆從業起。一切諸果皆從因起
一切諸業皆從習起。一切佛興皆從信起。一切化現
諸供養事皆悉從於決定解起。一切化佛從敬心起
一切佛法從善根起。一切化身從方便起。一切佛事
從大願起。一切菩薩所修諸行從迴向起。一切法界
廣大莊嚴從一切智境界而起。

疏二 又決定知下明稱法界之深觀。於中三初了
法從緣次離於斷下。智契無性三知一切法如種
生芽下。會歸中道。此三無碍卽三觀一心。鈔此
三無碍者。初假次空後中說有前後善財觀心。一

念頓具非是從假入空等也。

疏今初報禪善惡故云業起果自種生云從因起
自脩成佛信爲道源感他化身敬心便現鈔今
初報禪者文有十句但釋其四事相濫故業是增
上緣卽諸業習氣果卽異熟由名言種從信起佛
通真應信爲道源必到佛地故化佛應現敬心便
感機感於佛云感他化身信心成佛乃是自佛餘
六可知故疏不釋

離於斷見知迴向故於常見知無生故離無因見
知正因故離顛倒見知如實理故離自在見知不由

他故離自他見知從緣起故離邊執見知法界無邊
故離往來見知如影像故離有無見知不生滅故離
一切法見知空無生故知不自在故知願力出生故
離一切相見入無相際故

疏二智契無性中離顛倒見者通三四倒三四倒謂
常計無常是名顛倒見於實理則無斯倒若以無
常爲常亦非見如實理以壞相故自在見者謂自
在天能生萬物故知由自業故不由他離自他見
者單執自他則乖緣起邊執見者堅執生滅等有
其始末故離有無者從無之有名生自有還無稱

捲述

華嚴疏錄卷十一

三

滅體無生滅何得有無知空無生。約理遣法知不自在。約緣遣法知願力生。約因遣法。鈔二契無性下有十一句。畧不釋初二及八。十一若具釋者一既迴向菩提。豈謂後身而無果也。一卽理故非常以執定有則著常故。三既知正因非無因矣。斷見無果此見無因。釋第四句中常計無常是二乘倒不見涅槃妙有實理無常計常是凡夫倒寧知二空如實之理。自在見者卽第五句妄謂自在能生萬物今知從業故不從他自脩人業尚不生天安得由他令我苦樂次釋二句疏文可知其往來見易故不釋影像隨身去來無實隨業六道實無往來中論云諸行往來者常不應往來無常亦不應往來衆生亦復然有無可知離一切法見釋有三句初以理遣者法性空中法卽非法。二緣會不得生緣離不得不滅故一切法不得自在三以願爲因出生諸法因成無性淨法亦無末句易見知一切法如種生芽故如印生文故知質如像故知聲如響故知境如夢故知業如幻故了世心現故了果因起故了報業集故了知一切諸功德法皆從菩薩善巧方便所流出故。

撰述

華嚴疏錄卷十一

論

疏二會歸中道者。然隨一句皆離上諸過。今且通說。鈔三會歸中道者。疏中有二先總明言。隨一句皆離上諸過者。如隨種生芽。卽離斷常無因顛倒等。今且通說者。不對諸過但通相說。中道義耳。疏如種生芽者。從水土等緣生故非無。此如初段緣生則無性故非有。如第二段非有非無。卽是中道。如是離斷常等。可以思準種芽橫喻萬法。如印生文。卽豎喻諸法。涅槃云。此陰亦滅。彼陰續生。如蠟印印泥。印壞文成等。自下諸句通於橫豎了世心現。亦唯心觀。以心爲緣現而無性。卽中道觀。餘

並可知。鈔如種生芽下二別釋。唯就種芽示中道相餘並畧之。說此中觀。便收前二。卽顯空假。是此中道之空假耳。非是從彼空假入斯中矣。如是離斷常等者。例釋上文總離諸過。種芽橫喻者。言知一切法故。謂若善若惡。若內若外。皆從自種假緣生故。如印生文豎喻者。此陰亦滅。言現在陰滅也。彼陰續生者。三世相望故。卽涅槃經須彌山頂品已引。今復畧示。謂此陰亦滅者。中陰生也。而此五陰不至中陰。中陰五陰非餘處來。因現在陰有中陰。陰如蠟印印泥者。蠟印況於現在陰也。泥上

撰述

華嚴疏錄卷第十一

三

文成喻中陰陰也。印壞者現陰滅也。文成者中陰陰生也。印不至泥如現在陰不至後陰。以印因緣而生是文卽如因現在陰有中陰陰也。現陰不至後陰卽是不常。後陰非餘處來。因現陰有卽是不斷。不斷不常是中道義餘如前說了世心現亦唯心觀者正是中道故致亦言卽就唯心以辨三觀假心緣現卽假觀也。現而無性卽空觀也。上二不二卽中道觀也。下法喻句對前可知。

善財童子入如是智端心潔念於樓觀前舉體投地般勤頂禮。不思議善根流注身心清涼悅澤。

疏三善財童子下總結成益

從地而起一心瞻仰目不暫捨合掌圍繞經無量匝疏第二從地而起下出定敬讚於中三初以身敬繞次作是念言下以心敬念後偈頌中以言敬讚作是念言此大樓閣是解空無相無願者之所住處是於一切法無分別者之所住處是了法界無差別者之所住處是知一切衆生不可得者之所住處是知一切法無生者之所住處是不著一切世間者之所住處是不著一切窟宅者之所住處是不樂一切聚落者之所住處是不依一切境界者之所住處是

離一切想者之所住處。是知一切法無自性者之所住處。是斷一切分別業者之所住處。是離一切想心意識者之所住處。是不入不出一切道者之所住處。是入一切甚深般若波羅蜜者之所住處。是能以方便住普門法界者之所住處。是息滅一切煩惱火者之所住處。是以增上慧除斷一切見愛慢者之所住處。是出生一切諸禪解脫三昧通明而遊戲者之所住處。是觀察一切菩薩三昧境界者之所住處。是安住一切如來所者之所住處。

是以一劫入一切劫以一切劫入一劫而不壞其相

者之所住處。是以一刹入一切刹以一切刹入一刹而不壞其相者之所住處。是以一法入一切法以一切法入一法而不壞其相者之所住處。是以一衆生入一切衆生以一切衆生入一衆生而不壞其相者之所住處。是以一佛入一切佛以一切佛入一佛而不壞其相者之所住處。是於一念中往詣一切國土者之所住處。

是於一切衆生前悉現其身者之所住處。是心常利益一切世間者之所住處。是能徧至一切處者之所住處。

撰述

華嚴經卷十七

五

住處是雖已出一切世間爲化衆生故而恒於中現身者之所住處是不著一切刹爲供養諸佛故而遊一切刹者之所住處是不動本處能普詣一切佛刹而莊嚴者之所住處是親近一切佛而不起佛想者之所住處是依止一切善知識而不起善知識想者之所住處是住一切魔宮而不耽著欲境界者之所住處是永離一切心想者之所住處是雖於一切衆生中而現其身然於自他不生二想者之所住處是能普入一切世界而於法界無差別想者之所住處是願住未來一切劫而於諸劫無長短想者之所住處是不離一毛端處而普現身一切世界者之所住處是能演說難遭遇法者之所住處

是能住難知法甚深法無二法無相法無對治法無所得法無戲論法者之所住處

是住大慈大悲者之所住處是已度一切二乘智已超一切魔境界已於世法無所染已到菩薩所到岸已住如來所住處者之所住處是雖離一切諸相而亦不入聲聞正位雖了一切法無生而亦不住無生法性者之所住處是雖觀不淨而不證離貪法亦不與貪欲俱雖脩於慈而不證離瞋法亦不與瞋垢俱

10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

雖觀緣起而不證離癡法亦不與癡惑俱者之所住處。是雖住四禪而不隨禪生雖行四無量爲化衆生故而不生色界雖修四無色定以大悲故而不住無色界者之所住處是雖勤修正觀爲化衆生故而不證明脫雖行於捨而不捨化衆生事者之所住處是雖觀於空而不起空見雖行無相而常化著相衆生雖行無願而不捨菩提行願者之所住處。

是雖於一切業煩惱中而得自在爲化衆生故而現隨順諸業煩惱雖無生死爲化衆生故示受生死雖

已離一切趣爲化衆生故示入諸趣者之所住處是雖行於慈而於諸衆生無所愛戀雖行於悲而於諸衆生無所取著雖行於喜而觀苦衆生心常哀愍雖行於捨而不廢捨利益他事者之所住處。是雖行九次第定而不厭離欲界受生雖知一切法無生無滅而不於實際作證雖入三昧解脫門而不取聲聞解脫雖觀四聖諦而不住小乘聖果雖觀甚深緣起而不住究竟寂滅雖修入聖道而不求永出世間雖超凡夫地而不墮聲聞辟支佛地雖觀五取蘊而不永滅諸蘊雖超出四魔而不分別諸魔雖不

撰述

華嚴疏錄卷十一

三

著六處而不永滅六處雖安住真如而不墮實際雖說一切乘而不捨大乘。

此大樓閣是住如是等一切諸功德者之所住處疏二中舉能住者德歎所住樓閣初句具顯故此

大樓閣之言貫通諸句於中分十初約境顯勝二是入一切甚深下約德顯妙三是以一劫下約用顯自在四是於一切衆生前下約行顯勝五是能住難知法下約觀顯深六是住太慈悲下約對治顯勝七是雖住四禪下約止觀明自在八是雖於一切業煩惱下約利他行顯勝九是雖行九次第

定下約護小乘行明自在十此大樓閣下結德所住於前九中除初二及五餘皆約權實事理雙行鈔歎所住樓閣義理宏博經文浩大類例可知故不委釋

爾時善財童子而說頌言

如是大悲清淨智利益世間慈氏尊灌頂地中佛長子入如來境之住處

一切名聞諸佛子已入大乘解脫門遊行法界心無著此無等者之住處

疏第二偈以言讚中五十五偈分二前二十四偈

撰述

華嚴疏錄卷七十一

三

七言舉德歎處後二十一偈五言指處明德前中
一二初二一總歎一約行位一約名德

施戒忍進禪智慧方便願力及神通如是大乘諸度
法悉具足者之住處

智慧廣大如虛空普知三世一切法無礙無依無所
取了知有者之住處

善能解了一切法無性無生無所依如鳥飛空得自
在此大智者之住處

了知三毒真實性分別因緣虛妄起亦不耽彼而求
出此寂靜人之住處

三解脫門八聖道諸蘊處界及緣起悉能觀察不趣
寂此善巧人之住處

十方國土及衆生以無礙智咸觀察了性皆空不分
別此寂滅人之住處

普行法界悉無礙而求行性不可得如風行空無所
行此無依者之住處

疏餘偈別約德行於中四初有七偈約自利勝行
普見惡道羣生類受諸楚毒無所歸放大慈光悉除
滅此哀愍者之住處

見諸衆生失正道譬如生盲踐畏途引其令人解脫

撰述

華嚴疏錄卷十一

三

城此大導師之住處。

見諸衆生入魔網。生老病死常逼迫。令其解脫得慰安。此勇健人之住處。

見諸衆生要惑病。而興廣大悲愍心。以智慧藥悉除滅此大醫王之住處。

見諸羣生沒有海沉淪憂迫受衆苦。悉以法船而救之。此善度者之住處。

見諸衆生在惑海。能發菩提妙寶心。悉入其中而濟拔此善漁人之住處。

出此金翅王之住處。

譬如日月在虛空。一切世間靡不燭智慧光明亦如是。此照世者之住處。

菩薩爲化一衆生。普盡未來無量劫。如爲一人一切爾。此救世者之住處。

於一國土化衆生。盡未來劫無休息。一一國土咸如是。此堅固意之住處。

疏二有十偈歎利他行勝。

十方諸佛所說法。一座普受咸令盡。盡未來劫恒亦然。此智海人之住處。

徧遊一切世界海。普入一切道場海。供養一切如來海。此修行者之住處。

修行一切妙行海。發起無邊大願海。如是經於衆劫海。此功德者之住處。
一毛端處無量刹。佛衆生劫不可說。如是明見靡不周。此無礙眼之住處。

一念普攝無邊劫。國土諸佛及衆生智慧無礙悉正知。此具德人之住處。

十方國土碎爲塵。一切大海以毛滴菩薩發願數。如是此無礙者之住處。

成就總持三昧門。大願諸禪及解脫。一一皆住無邊劫。此真佛子之住處。

無量無邊諸佛子種種說法度衆生。亦說世間衆技術。此修行者之住處。

疏三有八偈歎功德勝。

成就神通方便智。修行如幻妙法門。十方五趣悉現生。此無礙者之住處。

菩薩始從初發心。具足修行一切行。化身無量徧法界。此神力者之住處。

一念成就菩提道。普作無邊智慧業。世情思慮悉發

10

1 2 3 4 5 6 7 8 9

20

1 2 3 4 5 6 7 8 9

30

1 2 3 4 5 6 7 8 9

撰述

華嚴疏錄卷七十七

七

狂此難量者之住處。

成就神通無障礙遊行法界靡不周其心未嘗有所得此淨慧者之住處。

菩薩修行無礙慧入諸國土無所著以無二智普照明此無我者之住處。

了知諸法無依止本性寂滅同虛空常行如是境界中此離垢人之住處。

普見羣生受諸苦發大仁慈智慧心願常利益諸世間此悲愍者之住處。

疏四有七偈歎方便勝。

佛子住於此。普現衆生前。猶如日月輪。偏除生死暗。佛子住於此。普順衆生心。變現無量身。充滿十方刹。佛子住於此。徧遊諸世界。一切如來所。無量無數劫。佛子住於此。思量諸佛法。無量無數劫。其心無厭倦。佛子住於此。念念入三昧。一一三昧門。闡明諸佛境。佛子住於此。悉知一切利。無量無數劫。衆生佛名號。佛子住於此。一念攝諸劫。但隨衆生心。而無分別想。佛子住於此。修習諸三昧。一心念中了知三世法。佛子住於此。結跏身不動。普現一切利。一切諸趣中。佛子住於此。飲諸佛法海。深入智慧海。具足功德海。

撰述

華嚴疏錄卷十一

三

佛子住於此悉知諸刹數世數衆生數佛名數亦然。佛子住於此一念悉能了一切三世中國土之成壞。佛子住於此普知佛行願菩薩所修行衆生根性欲。佛子住於此見一微塵中無量刹道場衆生及諸劫如一微塵內一切塵亦然種種咸具足處處皆無礙。佛子住於此普觀一切法衆生利及世無起無所有。觀察衆生等法等如來等刹等諸願等三世悉平等。佛子住於此教化諸羣生供養諸如來思惟諸法性無量千萬劫所修願智行廣大不可量稱揚莫能盡。彼諸大勇猛所行無障礙安住於此中我合掌敬禮。

諸佛之長子聖德慈氏尊我今恭敬禮願垂顧念我疏後五言指處明德中雖復語依意在歎正於中六初二下化次二上觀三有五偈明三昧自在四有七偈明智慧廣深五有一偈顯平等六有四偈結德申敬求哀請加。

爾時善財童子以如是等一切菩薩無量稱揚讚歎法而讚毘盧遮那莊嚴藏大樓閣中諸菩薩已曲躬合掌恭敬頂禮一心願見彌勒菩薩親近供養乃見彌勒菩薩摩訶薩從別處來無量天龍夜叉乾闥婆阿脩羅迦樓羅緊那羅摩睺羅伽王釋梵護世及本

生處無量眷屬婆羅門衆及餘無數百千衆生前後圍繞而共來向莊嚴藏大樓觀所。

疏第二爾時下見正報中一一見二敬見中二先翹心願覩後乃見下正覩慈尊言別處來者攝化就機故還來歸本故亦顯慈氏應念而至不著處故。

善財見已歡喜踊躍五體投地。

疏第二善財見已下明設敬儀於中五一身心敬禮二時彌勒下讚德記前二爾時彌勒下重申敬儀四時彌勒下再讚再記五時善財下慶遇念恩

時彌勒菩薩觀察善財指示大衆歎其功德而說頌曰。

疏二中有二先長行指示者令衆同覩倣而行故汝等觀善財智慧心清淨爲求菩提行而來至我所疏後偈正讚有百一十二頌分三初一指衆總歎末後一偈畧示後友。

善來圓滿慈善來清淨悲善來寂滅眼修行無懈倦善來清淨意善來廣大心善來不退根修行無懈倦善來不動行常求善知識了達一切法調伏諸羣生善來行妙道善來住功德善來趣佛果未曾有疲倦

10

1

2

3

4

5

6

7

8

9

20

1

2

3

4

5

6

7

8

9

30

1

2

3

4

5

6

7

8

9

善來德爲體。善來法所滋。善來無邊行。世間難可見。
 善來離迷惑。世法不能染。利衰毀譽等。一切無分別。
 善來施安樂。調柔堪受化。諧証瞋慢心。一切悉除滅。
 善來真佛子。普詣於十方。增長諸功德。調柔無懈倦。
 善來三世智。徧知一切法。普生功德藏。修行無疲厭。
 文殊德雲等。一切諸佛子。令汝至我所。示汝無礙處。
 具修菩薩行。普攝諸羣生。如是廣大人。今來至我所。
 爲求諸如來清淨之境界。問諸廣大願。而來至我所。
 去來現在佛所成諸行業。汝欲皆脩學。而來至我所。
 汝於善知識。欲求微妙法。欲受菩薩行。而來至我所。

汝念善知識。諸佛所稱歎。令汝成菩提。而來至我所。
 汝念善知識。生我如父母。養我如乳母。增我菩提分。
 如醫療衆疾。如天灑甘露。如日示正道。如月轉淨輪。
 如山不動搖。如海無增減。如船師濟渡。而來至我所。
 汝觀善知識。猶如大猛將。亦如大商主。又如大導師。
 能建正法幢。能示佛功德。能滅衆惡道。能開善趣門。
 能顯諸佛身。能守諸佛藏。能持諸佛法。是故願瞻奉。
 欲滿清淨智。欲具端正身。欲生尊貴家。而來至我所。
 疏中間諸偈。別歎勝德。於中三初二十二偈。直對。
 善財歎於中。亦三初九讚德。善來次二明來因緣。

撰述

華嚴真鍊卷十一

三

以外由善友內具德行故後一一偈明來所爲。汝等觀此人親近善知識隨其所修學一切應順行。以昔福因緣文殊令發心隨順無違逆修行不懈倦。父母與親屬官殿及財產一切皆捨離謙下求知識淨治如是意永離世間身當生佛國土受諸勝果報。善財見衆生生老病死苦爲發大悲意勤修無上道。善財見衆生五趣常流轉爲求金剛智破彼諸苦輪。善財見衆生心田甚荒穢爲除三毒刺專求利智犁。衆生處癡暗盲冥失正道善財爲導師示其安隱處。忍鎧解脫乘智慧爲利劔能於三有內破諸煩惱賊。

善財法船師普濟諸含識令過爾燄海疾至淨寶洲。善財正覺日智光大願輪周行法界空普照羣迷宅。善財正覺月白法悉圓滿慈定清光等照衆生心。善財勝智海依於直心住菩提行深出生衆法寶。善財大心龍升於法界空興雲霧甘澤生成一切果。善財然法燈信炷慈悲油念器功德光滅除三毒暗覺心迦羅邏悲胞慈爲肉菩提分支節長於如來藏增長福德藏清淨智慧藏開顯方便藏出生大願藏。如是大莊嚴救護諸羣生一切天人中難聞難可見。如是智慧樹根深不可動衆生漸增長普蔭諸羣生。

欲生一切德。欲問一切法。欲斷一切疑。專求善知識。欲破諸惑魔。欲除諸見垢。欲解衆生縛。專求善知識。當滅諸惡道。當示人天路。令修功德行。疾入涅槃城。當度諸見難。當截諸見網。當枯愛欲水。當不三有道。當爲世依怙。當作世光明。當成三界師。示其解脫處。亦當令世間普離諸想著。普覺煩惱睡。普出愛欲泥。當了種種法。當淨種種刹。一切咸究竟。其心大歡喜。

疏二汝等觀下二十六偈對衆令觀讚於中五初四總讚次四讚其卽智之悲次七歎卽悲之智爾談者此云所知入大乘論云爾談地者是第十地。

此約盡斷十種所知障故。次六偈總歎諸德。後五偈讚妙果當成。鈔爾談地者此云所知等者疏畧引入大乘論。論云菩薩有無量無邊阿僧祇功德。到爾談地。向於涅槃。以愍衆生還入生死。阿僧祇劫示受勤苦。出過一切聲聞辟支佛上。具足一切功德智慧。是故超度爾談之地。乃至云菩薩處生死海中。第一阿僧祇劫修淨治地行。求淨解脫。第二阿僧祇修淨禪定行。第三阿僧祇修淨智慧行。除爾談地障。是故菩薩名乘自在乘。滿足十地。得無碍無障。一切具足。故得阿耨多羅三藐二菩提。

提是故以爾燄智得成大果釋曰。爾燄梵語此云智母亦云智度亦云境界亦云所知卽所知障亦名爾燄以經云令過爾燄海故而疏但用所知一義卽論中第三劫過生死海也。論中又云入十地時便能永斷由斯十地說斷二愚及彼龐重皆取爾燄爲所知也。若據初云到爾燄地及後結云以爾燄智得成大果卽含餘義今取經意但舉一耳。汝行極調柔汝心甚清淨所欲修功德一切當圓滿不久見諸佛了達一切法嚴淨衆刹海成就大菩提當滿諸行海當知諸法海當度衆生海如是修諸行

當到功德岸當生諸善品當與佛子等如是心決定當斷一切惑當淨一切業當伏一切魔滿足如是願當生妙智道當開正法道不久當捨離惑業諸苦道一切衆生輪沉迷諸有輪汝當轉法輪令其斷苦輪汝當持佛種汝當淨法種汝能集僧種三世悉周徧當斷衆愛網當裂衆見網當救衆苦網當成此願網當度衆生界當淨國土界當集智慧界當成此心界當令衆生喜當令菩薩喜當令諸佛喜當成此歡喜當見一切趣當見一切利當見一切法當成此佛見當放破暗光當放息熱光當放滅惡光滌除三有苦。

橫述

華嚴疏錄卷七十一

四

當開天趣門。當開佛道門。當示解脫門。普使衆生入當示於正道。當絕於邪道。如是勤修行。成就菩提道。當修功德海。當度三有海。普使羣生海出於衆苦海。當於衆生海消竭煩惱海。令修諸行海。疾入大智海。汝當增智海。汝當修行海。諸佛大願海。汝當咸滿足。汝當入刹海。汝當觀衆海。汝當以智力。普飲諸法海。當觀諸佛雲。當起供養雲。當聽妙法雲。當興此願雲。普遊三有室。普壞衆惑室。普入如來室。當行如是道。普入三昧門。普遊解脫門。普住神通門。周行於法界。普現衆生前。普對諸佛前。譬如日月光。當成如是力。

所行無動亂。所行無染著。如鳥行虛空。當成此妙用。譬如因陀網。利網如是住。汝當悉往詣。如風無所礙。汝當入法界。徧往諸世界。普見三世佛。心生大歡喜。汝於諸法門已得及當得。應生大喜躍。無貪亦無貶。汝是功德器。能隨諸佛教。能修菩薩行。得見此奇特。如是諸佛子。億劫難可遇。況見其功德。所修諸妙道。汝生於人中。大獲諸善利。得見文殊等。無量諸功德。已離諸惡道。已出諸難處。已超衆苦患。善哉。勿懈怠。已離凡夫地。已住菩薩地。當滿智慧地。速入如來地。菩薩行如海。佛智同虛空。汝願亦復然。應生大欣慶。

撰述

華嚴疏金卷第十一

四

諸根不懈倦。志願恒決定。親近善知識。不久悉成滿。
 菩薩種種行。皆爲調衆生。普行諸法門。慎勿生疑惑。
 汝具難思福。及以真實信。是故於今日。得見諸佛子。
 汝見諸佛子。悉獲廣大利。一一諸大願。一切咸信受。
 汝於三有宇。能修菩薩行。是故諸佛子。示汝解脫門。
 非是法器人。與佛子同住。設經無量劫。莫知其境界。
 汝見諸菩薩。得聞如是法。世間甚難有。應生大喜慶。
 諸法護念汝。菩薩攝受汝。能順其教行善哉。住壽命。
 已生菩薩家。已具菩薩德。已長如來種。當升灌頂位。
 不久汝當得與諸佛子等。見苦惱衆生。悉置安隱處。

如下如是種。必獲如是果。我今安慰汝。汝應大欣悅。
 無量諸菩薩。無量劫行道。未能成此行。今汝皆獲得。
 信樂堅進力。善財成此行。若有敬慕心。亦當如是學。
 一切功德行。皆從願欲生。善財已了知。常樂勤修習。
 如龍布密雲。必當霆大雨。菩薩起願智。決定修諸行。
 若有善知識。示汝普賢行。汝當好承事。慎勿生疑惑。
 汝於無量劫。爲欲妄捨身。今爲求菩提。此捨方爲善。
 汝於無量劫。具受生死苦。不曾事諸佛。未聞如是行。
 汝今得人身。值佛善知識。聽受菩提行。云何不歡喜。
 雖遇佛興世。亦值善知識。其心不清淨。不聞如是法。

若於善知識信樂心尊重離疑不疲厭乃聞如是法若有聞此法而興誓願心當知如是人已獲廣大利如是心清淨常得近諸佛亦近諸菩薩決定成菩提若入此法門則具諸功德永離衆惡趣不受一切苦不久捨此身往生佛國土常見十方佛及以諸菩薩往因令淨解及事善友力增長諸功德如水生蓮華樂事善知識勤供一切佛專心聽聞法常行無懈倦汝是真法器當具一切法當修一切道當滿一切願汝以信解心而來禮敬我不久當普入一切諸佛會善哉真佛子恭敬一切佛不久具諸行到佛功德岸

疏三汝行下重對善財讚於中分五初二十六偈歎其當果德初二總餘皆別一汝於下七偈雙歎當現德三諸根下八偈讚其遇友德四有五偈歎速成位行德五有十七偈總明諸德結歎令欣汝當往大智文殊師利所彼當令汝得普賢深妙行疏二畧示後友

爾時彌勒菩薩摩訶薩在衆會前稱讚善財大功德藏善財聞已歡喜踊躍身毛皆豎悲泣哽噎起立合掌恭敬瞻仰繞無量帀以文殊師利心念力故衆華瓔珞種種妙寶不覺忽然自盈其手善財歡喜卽以

奉散彌勒菩薩摩訶薩上。

疏第三重申敬儀中三初辨敬因。聞讚德故。次善財聞下。身心恭敬後以文殊下。華供展誠言文殊心念力者。表由信智故。華因德立瓊珞行成。云盈手者。信智滿故。散彌勒者。攝成因故。辦當果故。時彌勒菩薩摩善財頂爲說頌言。

善哉善哉真佛子。普策諸根無懈倦。不久當具諸功德猶如文殊及與我。

疏第四再讚再記。

時善財童子以頌答曰

我念善知識。億劫難值遇。今得咸親近。而來請尊所。我以文殊故。見諸難見者。彼大功德尊。願速還瞻覲。疏第五慶遇念恩文並可知。

信士孫耀祖	一兩	比丘如馥	一錢	智野	三錢
照原	一錢	以上自捨	信士王廣展	張來遠	
倪萬善		信女馬氏	葉氏各一錢		
信童黃善寶	二錢	信童張登瀛	胡應桂	吳	
良宰		信女管氏各五分	以上	張服霞	慕
沙彌寂闍	二錢	弟子續曜	二錢	弟子建徑	
圓岑	明揚	比丘清曙	信士吳宗泰	沙彌	
慧生	各一錢	以上智舷募	歐鵬翰	王錫賢	
黃日章	夏繼隆	夏彥奇	崔名章	楊林森	各一錢
信士姚遲	沈從龍	朱茂暉	姚折	姚培	信女
朱門沈氏	姚門錢氏	高氏	陳氏	姚門朱	
姚名昌	姚門曹氏	姚登用	姚中啓	姚昌謨	姚觀定
姚大來					
姚光天					
姚寅觀					

10

1

2

3

4

5

6

7

8

9

20

1

2

3

4

5

6

7

8

9

30

1

2

3

4

5

6

7

8

9

10

11

12

13

14

15

16

17

各
錢

以上姚白遠募

張昌莫
曹凡
朱資
陳晉安米廷興
張北
樊門名
圖
鑄王
高
陳
樊中
大
東
門王
高
陳
樊中
大
東
門

大方廣佛華嚴經疏鈔卷第七十七

畢

10

1
2
3
4
5
6
7
8
9

20

1
2
3
4
5
6
7
8
9

30

1
2
3
4
5
6
7
8
9

40

1
2
3
4
5
6
7
8
9

50

1
2
3
4
5
6
7
8
9

60

1
2
3
4
5
6
7
8
9

撰
述

テノ九八